



新刊監本冊府元龜卷之一百六十六

帝王部 一百六十六

招懷第四

後唐武皇大順二年三月邢州節度使安和建叛入汴軍武皇  
令李存孝定邢洺因授之節鉞時幽州李威與鎮州王鎔屢弱  
中山將中分其疆土定州王處存求援于武皇武皇命存孝得  
鎮趙之南鄙又令李存信李存審率師出井陘以會之併軍攻  
臨城栢鄉李威救至且議旋師

乾寧元年五月鄆州節度使朱瑄為汴軍所攻遣使來乞師武  
皇遣騎將安福順安福應安福遷督精騎五百假道於魏州以  
應之

三年正月汴人大舉以攻兗鄆朱瑄朱瑾再乞師於武皇武皇假道於魏州羅孔信許之乃令督指揮使李存信將步騎三萬與李承嗣史儼會以拒沛入存信軍於莘與朱瑾合勢頻挫汴軍

四年九月河中王珂來告急言王拱引汴軍來寇武王遣李嗣昭將兵三千以授之屯於胡壁堡汴軍萬餘人來拒戰嗣昭擊退之

天德三年梁太祖所署昭義節度丁會以潞州歸帝納之賜甲第於大原位在諸將上

莊宗初為晉王天祐八年正月南伐至邠州逆李正合城時梁將王檀為邢師乃紂矢飛書諭以禍福曰正合 弘順申

亦害盈有道即興無道即威昔漢朝中否俄成王正合 弘

中徵後起韓玄之禍莫不因緣多難搆令異圖謂天 人心

欺謂帝工可以力取殊不知雪霜之後寒松驗貞翠之姿喪亂

之期義士見忠勤之節是故南陽宗室京口英雄皆懷伏順之

謀悉建平克之策逆温在蒲餘孽眈眈微民困黃巢將敗之秋

於白水喪師之後自知勢蹙遂乃向明聖朝以方切招懷顯行

恩渥便從賊將委於齊壇錫金忠之嘉名居夷門之重地爾後

連侵四鎮疊擁雙旌非聖朝恩澤不深非聖朝有負此賊而乃

結連姦逆攻逼河岐謀害近臣劫遷鑾輅終成大逆遂弑昭皇

殺戮宗枝逼辱后妃萬民相顧而收淚百辟飲恨以吞聲以致

神堯萬代之基陷入碭山監子之手人抵痛憤天地珍傷况復

自潛逆已來猜狂愈甚忌勲舊則殺傷已盡財貨則湮壑難盈  
氏叔宗朱友恭之徒蔣玄暉張廷範之輩罪無毫髮皆被誅夷  
王重師覆族於前劉知俊脫身於後如斯統馭何以扶持稍成  
瓜李之嫌便中絕邪之口且鎮定兩地聖唐重藩皆世嗣山河  
代分旄鉞各以生靈是念封壤求安既拜表以稱臣又竭財而  
入貢而逆溫不察忠瘁潛肆窺圖詐稱應授之師盜取深冀而  
郡見利忘義一至於斯然令天下歸心乃至舟中敵國昨鎮定  
大工特差人使徑亡夔藩予遂統師徒躬來應援逆溫已令其  
將王景仁等七八萬衆屯據栢鄉日令步騎攻圍其賊終不出  
關遂令引退即便前來既落穀中須施毒手東西掃平  
摧擒戰將二百餘員奪鐵騎五千餘疋橫尸滿野比日詠神建

之徒棄甲如山悉長劔銀鎗之類程思權屢陳表本張濤亦傳  
述事機燃董卓之膺何須再舉斬桓玄之首正在此時此  
下淮南皆通問使咸期春首同起義師計栢鄉之勝捷遠聞在  
兩地之戈鋌轉急人時人子照然可知伏以公緱嶺名家聖唐  
勲族因逢國難偶在賊庭當華夷無事之時滿朝朱紫儻社稷  
中興之後足顯勲名予魯門自憲宗朝赴闕已來世荷恩寵  
因此際誓復聖唐必不與碭山田夫同戴天而履地予幕賓王  
緘僕射九月中鳳翔使迴劉知俊令公因貽書示兼傳密意

其  
足下相於之分最異他人無憑附連緇書尋令通送又累得路  
州相公家兄文字及招得魏博子將問得逆溫於公君臣之分  
已有猜嫌曾於故鎮著人密款窺筭皆言紀綱不少謀害稍難  
頗得事機極不虛謬且公彭門侍中之後鴻勲茂業播在史書  
豈忍屈節賊庭點污盛族轉禍為福去就奚安箕子云殷項伯  
歸漢棄骨肉猶稱先智富貴固是良圖今三鎮嚴師已及城下

敢傾舟抱仲達逆聰儻蒙俯賜忠言見機知變叶同逆興復聖唐則身與金石齊堅名與天地同固蓋以欽重德

是敢先貢直言如明鑒未迴丹誠尚阻則長壕巨壑築室返耕侯飛走以無門固展覲而有日

二月南征鄆州步騎三千自黎陽歸國其都指揮使張從楚曹儒謁見帝賜衣袍鞞馬額其兵為左右定月命從楚曹儒為都將俱賜姓李氏從楚改名紹文曹儒曰紹武

十三年八月攻邢衛洛磁下之相州節度張筠棄城遁去邢州節度閻寶嬰城拒守帝令軍士諭以張筠宵遁令降將張溫率汴軍五百於城下招諭之寶知勢危窘援軍路絕請以城降帝喜之進位檢校太尉同平章事遙領天平節度東南面招討等使侍以賓禮位在諸將上

九月梁將戴思遠為滄州師時已定魏博思遠勢蹙棄州遁毛

璋毛璋本滄州刺史乘虛據之以城歸國因授其州刺史及轉遼州

十四年一月梁將謝彥璋帥眾數萬逼楊劉城帝自魏州聞之輕騎赴於河上賊軍遂壘以自固又扶河水瀾漫數里以限我軍將軍不得進自破安善之後其潰亡之卒多嘯聚於兗鄆山谷聞觀時勝負有投來者帝以書諭之曰夫相時達變為智士之良圖擇福知機蓋丈夫之能事故有竄身山谷不處危邦今古攸同英豪共貫近聞鄆州山寨聚徒實繁並是汴舊人洛兗鄆奇士見河南之失險知偽數之必亡厭血刃於連年避淫刑於雲主必想元元失所惱惱無依莫知投足之方未有息肩之地予自去冬親提虎旅徑取楊劉既獲通津已諧六計視逆豎

而便同机上筭梁元而已在穀中謝彥璋營葺梟巢爾聚何上  
捺虎頭而難逃碎首伸螳臂而何暇爭鋒今則霄使生民决開  
天塹築堤壅水自固軍營偷生取笑於庸夫作事頗同於兒戲  
公私塗炭内外分離既版蕩以不技固冰銷而在即予俯詳人  
事仰察天時既畫成謀以圖大舉控新羈之鉄馬勵却日之霜  
戈屈指定期長驅决戰誓平國耻須復家仇廓妖侵於西郊奉  
中興於萬葉諸君等或中州義士或大國遺民因兵革而不保  
田園避殘酷而深戒後洞聞余義舉計各歡然今既迤聚衆多  
已相統屬須自謀畫自立功名或則攻取城池便可據州縣因  
茲事勢已决遠圖梁寇既西有多虞固不暇分其東去青兗則  
無人之境齊鄆則亂之州欲若圖之必定成事斯為上策不可  
候時凡有兵機予能應接當侯寰區一統海内為家可於所得  
封疆遂其富貴之願蒼穹白水予所不欺若守險偷生潛身匿  
迹終為亡命自棄何多時不再來機須速决長謀遠筭自可擇  
焉身是兗鄆群盜往往率衆歸于行臺

十五年梁河中節度使朱友謙來乞師友謙本名簡梁太祖畜  
為假子以為陝州節度後為河中節度及友珪弑逆意深不憚  
友珪徵之友珪不奉命友珪令其將韓勅等將攻兵之友謙乞  
師於帝帝赴援大敗汴軍與友謙會於猗氏陳詞瀝懇願為附  
庸帝加其忠頗賞待之

十六年攻下濮陽獲其長吏乃下教告諭曹僕百姓曰干紀亂  
常神人共怒殺君益國天地何容激忠良仗順之心誣黎庶倒

懸之急予援從近歲親舉義師每推戡難之謀所切示民之患而賊黨不分逆順憑附妖克惟偷剝漏之生不慮覆亡之禍去秋子暫歸寧觀留侍并都賊將王瓚輒渡洪河偷營巢穴不敢前來決戰遠出交兵閉壁偷安可知羸懦予親臨賊壘率士登城賊遂出營門與吾合戰總交鋒刃便委于戈戮甲士三萬餘人奪鐵騎三千餘疋敬于李丘之單已釁鼓於車前拱辰侍衛之徒盡橫尸於大野所殘無幾不日剪除料彼友身難逃鈇鉞豈能保完生聚禦捍疆陲于昨徑出徧師徇地曹濮閔其蒸庶罹此百殃空多轉餉之勞殊失保全之望予視其禍福各擇安危勿附賊以忘家湏決機而保族若能自携老幼歸來封巡亦議撫綏俾令蘇息如懷鄉戀土苟免待時則湏遠避兵鋒慎於

去就佇平克醜冀復鄉國其諸軍兵士州縣長吏等自解圍上黨對陣栢鄉華縣交兵楊劉接戰亦合諳吾機畧可料興衰何必阿附元克自貽伊戚不如嚮義自卜永圖旦旦之懷元元共悉十七年秋七月梁守劉鄩尹皓寇同州先是河中節度使朱友謙取同州以其子令德主留務請梁王降節梁王怒不與遂請旄節於帝梁王乃遣劉鄩與華州節度使尹皓師兵圍同州友謙來告難帝遣藩漢摠管李存審昭義節度使李嗣昭代州刺史王庭及率師赴援九月師至河中朝夕濟梁人不意王師之至望之大駭明日次於朝邑於朱友謙謀遲明進軍距梁壘梁人悉衆以出蒲人在南王師在北騎軍既接蒲人少却李嗣昭以輕騎抗之梁軍奔潰追斬二千餘級是夜劉鄩拔餘衆保

營自是閉壁不出數日鄴遂霄遁王師追及于渭河所棄兵仗輜重不可勝計劉鄩尹皓單騎獲免未幾鄴憂恚發病而卒

二十四年莊宗即位制曰擇潞封疆兄弟之國追思舊績言念疲民惠在綏懷恩加招撫各仰沿路鎮戍布命宣陳咸令樂業

營生無使侵疆為患

周光元年八月梁行營右先鋒指揮使康延孝自高陵津渡對

於臨河帝以騎軍逃戰延孝率百餘騎倒戈來歸延孝本晉陽

人家世部族少隸六社軍負罪奔於梁漸至偏裨性剛烈負氣

不居人下知賊庭終敗來歸帝虛懷引見解御衣金帶以賜之

翌日賜田宅於鄴以為捧日都指揮使兼南面招討都指揮使

檢校司徒守博州刺史時河朔危急延孝至軍情稍壯

十月己卯車駕至汴州梁開封尹王瓚恐懼出城迎降伏地請

死帝曰朕與卿家世密親兵或阻閣即時竭心所事人臣之節

也何罪之有乃命復舊職乃誅張漢傑朱珪輩贊大恐憂駭不

終以憂病而卒壬午梁將段凝所部馬步軍五萬解甲於封立勅旨令

於州城北十里排立俄而凝等率大將先至泥首請死帝慰之

曰偽之誑誤卿輩卿輩無罪各賜錦袍御馬錢帛有差帝出封

立門撫勞兵士歡呼之聲殷動天地帝慰之曰爾等皆吾赤子

被賊駢率暴路征行數十年來不安耕織今誅逆孽平一天下

自此休征罷戰何樂如之可各復本營餘無憂懼

癸巳勅朕親驅義旅徑下偽庭克讐雖已翦除內外或聞搔擾

貴行招諭以示綏懷應諸色官員並宜仍舊勾當當軍百姓各



自安居永無勞弊之虞共覩升平之代如無量之輩扇動人情  
便仰容加追捕嚴行處斷貴從寧謚當體朕懷是月入洛為洛  
京留守河南尹張全義羸者不勝拜蹈帝令人掖之臨軒慰勞  
稠沓初全義棄澤州而趨河陽弟全武及家屬為我軍所得歸  
之太原太祖給賜田宅厚加撫卹天復中密令人通情至是帝  
重其宿望謂之曰張侯無恙鄉識知機變無由於我早通鄉家  
弟姪幸復相見全義垂淚謝恩進幣馬千計謝恩帝命皇子繼  
岌皇弟存紀等兄弟之是日詔曰叛之則懲服之則捨蓋前經  
奧旨為當代之通規既屬慕承是務遵守應舊偽庭位居藩翰  
任處專城或掌握兵權或捍防邊鄙各為其主以全其名既解  
甲以歸明或飛章而送款變通斯覩忠節可嘉其逐處節度觀  
察防禦團練等使及諸州刺史監押及偽庭先差出行營將校  
覩監等並頒恩詔不議改更仍許且稱舊銜當俟別入新命是  
月偽梁宋州節度使袁象先至覲於玄德殿泥首待罪詔赦之  
十一月梁河中節度使西平王朱友謙乞割懿隄依舊為蒲之  
進金鞅名馬帝慰勞加等友謙乞割懿隄依舊為蒲之屬郡乃  
以降州隸之又求為安邑解縣兩池榷監使亦許之尋加太師  
尚書令進邑至一萬捌千戶西平王如故又賜姓名繼麟兼賜  
鐵勝恕死罪

是月中書奏河南諸方鎮節度刺史昭洗之後未有親官每上  
表章只書名姓未頒渙汗必負憂疑望宣付各降制命以表新  
恩從之

二年二月遣左武衛大將軍張紹虔押國信宣賜淮南

五月潞州賊首領楊立遣子將韓暉奉表乞行赦宥帝令樞密

副使宋唐玉賫勅招撫

四年二月癸丑中書門下奉偽蜀官負先有赦旨點降近者負

數極多相次到闕並是未承前勅慮抱憂疑宜令御史臺具所

到官負出身歷任三代家狀約偽官秩品准前勅次第當擬司

正官奏復如是偽蜀將相家屬稍多出於山東州府安置如位

卑家屬少者或是本朝舊人有骨肉見在班行即任便居止或

是三川居人頗還本土亦候三兩日放歸本處或有本朝曾登

科第歷任班行材器為眾所知可以甄錄即續其人材酌量奏

擬從之是時偽屬宰相王鎔庾傳素張格皆本朝衣冠之後也

豆盧革帝說素知之既聞疑意欲處之善地故有是條奏以候

其來

孫彥韜字德光少以勇力聞於鄉里唐末朱氏將圖革命兼領

四鎮擢彥韜於伍卒歷諸軍校偏及朱氏借竊軍鋒屢為莊宗

所敗彥韜北屯河上知大事不濟乃聞行由官度委質來歸帝

喜而納之授親從定捷右指揮使

劉玘梁貞明末為晉州觀察留後莊宗收復汴州玘來朝玘在

平陽八年日與上黨太原之師交闖境上莊宗見而勞之曰列

使無恙爾控吾晉陽之南鄙歲時又矣不早相聞今日見訪不

其晏歎玘頓首謝之郊天後復令歸鎮正授旄節尋有詔改授

安遠軍

明宗初以天順九年領內衙親兵時周德威攻圍幽州劉守光  
困蹙令元行欽於山北募兵以應契丹時帝功行欽於山北與  
之接戰矢及帝馬鞍既而以勢迫來降帝憐其有勇奏隸焉假  
子後因從征恩禮特隆常臨敵擒生必有所獲名聞於軍中  
大成元年八月以偽蜀開府儀同三司行尚書右僕射兼中書  
侍郎同中書門下平章事上柱國趙國公食邑五千戶張格可  
金紫光祿大夫檢校兵部尚書守太子賓客上柱仍封國南陽  
縣開國伯食邑七百戶充三司副使從判三司宰臣任圜所奏  
請也

九月幽州奏契丹平州守將偽署幽州節度使盧文進率戶口  
歸明所率降戶口許人口在平州西首尾約七十里十一月鎮  
州又奏文進所率歸業戶口蠲免租稅三年仍每口給糧五斗  
是月文進及將吏四百人見賜鞍馬玉帶衣被器玩錢帛有差  
乃下制曰契丹盧龍軍節度使檢校大尉盧文進遼西飛將薊  
北雄才頃以被讒因而避禍雖附茹毛之俗長懷向國之誠將  
軍寧屈於虜庭校尉終還於漢壘洎予纂紹果卜旋歸繼飛鴈  
足之書累殄龍庭之虜前昌白刃中推赤心擁塞垣之車帳八  
千復唐土之軍民十萬氣吞沙漠義貫神明爰降寵章以旌壯  
節可特進依前檢校大尉同中書門下平章事使持節滑州諸  
軍事守滑州刺史光義成軍節度滑濮管内觀察處置等使仍  
封范陽郡開國侯食邑一千三百戶兼賜推忠翊聖保義功臣  
二年十月汴州節度使朱守殷閉州城拒命帝親平之辛丑下

德音曰衛王亡軀摧克致命偶狗協從之勢終懷忠蓋之誠首  
議向明理宜行賞昨車駕初到城下之時有將士率先開門及  
下城朝見宜今石敬瑭奏聞當與甄酬  
三年四月制曰夫忠而能力蓋臣子之嘉猷賞不踰時乃君親  
之大義其有一心奉國萬里勤王宣至化於遐取振威聲於異  
俗宜升寵秩式示優恩竭忠建策興復功臣東南行營副招討  
使使寧江節度觀察等使光祿大夫檢校司徒使持節都督夔  
州諸軍士守夔州刺史西方鄴壯節生英材間出居家克孝事  
主能忠摠甄旅以邁征飛捷書而荐至一日千里復峽內之士  
疆七縱七擒盪荆門之氛侵近令偏將徑取敵城運籌之智神  
翰破竹之威電速漸平兇穴當覆巢巢方堅倚仗之誠宜降褒  
崇之命俾兼為保益重殿邦旣虎踞於上流佇鯨吞於下瀨於  
呼功名旣立節義彌高鼎鍾方示於鐫銘綸綍稟煩於訓誡唯  
期帶礪永協雲龍可檢校大保使持節都督夔州諸軍士守夔  
州刺史寧江軍節度觀等使

十月戊午契丹署平州刺使張希崇幽州人八十餘人歸闕見  
于玄德殿便召赴宴例加賞賜希崇幽州人陷蕃歲久契丹署  
于平州至是殺其兵率平營人戶來歸

四年二月丁亥夏州行營都監安重益率師赴西軍時夏州李  
仁福身亡其子彛超擅稱番後詔邠州樂彥稠摠兵赴夏州至  
此因降勅書曉諭夏綏銀宥等州將吏百姓曰近據西北藩鎮  
聞奏定南軍節度使李仁福夢變朕以仁福自分戎閫遠鎮塞

垣威惠俱行忠孝兼著當本朝播越之後及先皇興創之初或大勦克徒或遙遵聖主夙夜每勤於規救始終罔殆於傾輸爰今眇射益全大節協和群虜惠養蒸民致朕端拱無為修文偃武賴彼統臨有術遠爾通安委伏方深凋殞何早勿窺所奏深愴予懷不朽之功既存於社稷有餘之慶其宜于子孫但以彼藩地處窮邊每資經畧厥子年纔弱冠未歷艱難或虧駕御之方定啓嘉和之便比令嗣襲貴示優恩必若踐彼危機不如置之安地其李彛超已除延州節度觀察番後前延州節度使安從進却除夏州節度番後各降宣命指揮使勤赴任但夏銀綏宥等州最居邊遠又屬亂離多染夷狄之風少識朝廷之命既乍當於移易宜普示於渥恩應夏銀綏宥等州管内罪無輕重常赦所不原者并公私債負殘欠稅物一切並放兼自刺史已下指揮使押衙已下皆勒仍舊勾當及與各轉官資宜令安從進到日倍加安撫速具名銜分析聞奏朕自總萬機唯孔一德內安華夏外撫戎夷先旣懷之以恩後必示之以信且如李從曦之守岐隴疆土極寬高允韜之鎮鄜延甲兵亦衆咸能識時知變舉族舉朝從曦則見領大梁允韜則尋除鉅鹿次及昆仕並建節旄下至將僚悉分符竹又若王朝之貪上谷李賓之吞朔方或則結構契丹偷延旦夕或則依憑党項竊據山河罔稟除移唯謀旅拒比及朝廷差命良將徵發銳師謀悉萬全戰皆百勝纔興討伐已見復亡數萬騎之契丹隻輪莫叛幾千族之党項一鼓俄平尋拔孤城盡誅群黨無遠無近悉見悉聞何必

廣引古今方明利害只陳近事聊諭將來彼或要覆族之殃則  
王朝李賓足為戒鑒彼或要全身之福則允韜從曦可作規蠅  
朕設兩途爾宜自擇無貽後悔有玷前修今以天命初行人情  
未定或慮將校之內親要之間幸彼幼冲恣其熒惑遂成搖動  
致累生靈今時差邠州節度使樂彥稠部領馬步兵士五萬人  
騎送安從進赴任兼已別降宣命嚴切指揮安從進等委其訓  
戒師徒叅詳事理從命者秋毫勿犯違命者全族必誅先令後  
行有犯無捨更慮孤恩之輩樂禍之徒居安則廣造異端貴令  
亂擾臨難則却謀相害自要切勲宜令李彛超體認朕懷宣諭  
彼衆無聽邪說有落奸機宣布丁寧咸令知悉  
六月權知京南節度使高從晦上章乞許自新重修職貢初從

誨父季與以請陝內三州事據城阻命繕甲締結島夷從誨屢  
諫不從及王師問罪孔修令門客李湜見季與悖  
悖慢不從遜誨俟其有間私於湜曰今公性彊不能遠圖此事  
予嘗踴泣言之竟未定從然予之操心必不負於國家苟王師  
退舍聖上許其改圖予必可致令公首過公為予言於朝執至  
是季與卒從誨屢遣使致書於潮南襄陽師請上章保明願垂  
昭洗先是潮襄表章交至是從誨復自上章首罪帝曰先臣叛  
命不預從誨事可待之如初  
長興元年九月淮南降將海州馬步軍都指揮使王傳極率黑  
雲都兵士七百三十五人見於內殿各賜鞍馬衣段錢帛袍帶  
有差

三年三月辛丑以淮南降人潤州觀察巡官嚴澤為亳州譙縣令仍賜緋

晉高祖天福二年二月勅訪聞諸道州府等昨以朝廷近有指揮搜羅官健振驚戶口搔動鄉原致彼編氓不思樂業結集徒伴藏避山林其間亦有接便為非率意行劫事不獲已想匪故心今既國步晏寧春事興作宜行告諭各使歸還但務耕農況無徭役切慮有無知之輩拒罪不歸湏示條流既令安請限勅到後與量地理遠近與限各令復業已前為非一切不問如限內不遠者其物業許隣近人情射承佃或有不認招攜尚行偷劫者一聽居停及隣近人密來陳告便許占射賊人物業充賞如賊無物業即與逐處指揮每告一人即與賞錢二十貫文如

至上人已上更賜銀鞍轡馬一疋此外並依所告得人數夫與賞錢仍據所願穩便處與補職安排委逐處長吏遍下管內令於山谷道口津渡如法粉壁曉諭仍不住差人四向專切招攜如是不能悛改尚務結集者委逐處差兵掩殺

七月勅昨者魏府帥臣忽興狂悖河陽兵士小有驚搔已各命於討除竝盡平於巢窟軍興之際賊計多計時發細人潛齎蠟彈意在離間上下點污忠良朕固無疑人何懷懼近聞尹暉忽然出外不赴朝祭文婁繼英誤有傳聞亦茲潛匿且尹暉妻繼英位居班列事合審詳不謂此時偶乖斟酌朕情深軫憫恩在務寬專遣招攜特議釋於各委家人諸處招喚出來却令如舊一切不問此後諸處收捉到姦細文字等其足事人依舊支給

優賞其細人晝時處斬文字當處焚燒冀表推誠免令惑衆布告中外咸使聞知仍付所司暉魏州人也少以勇健事連師揚師厚為爪牙莊宗併其地陞為小校從戰河上每於馬前步闕有功莊宗即位連改諸軍指揮使明宗天成後領數郡刺史應順中王師討潞王於岐下暉與楊思權首歸潞王潞王約以鄴園授之潞王即偽位帝入洛常遇暉通衢暉馬上橫鞭揖帝甚怒之及因朝謁謂偽主曰尹暉常才以歸命稍先陛下欲令出鎮名藩外論皆云不當偽主乃授應州節度帝即位改西衛將軍時炎光以暉失意密使間人以榮利啖之暉懼汧汭水欲奔歸淮南未出王畿為人所殺

繼英未詳何許人也事偽梁歷為內職唐莊宗朝歷諸衛將軍出為絳州刺史明宗天成中改冀州北面水陸運轉使旋移耀州團練使入為執金轉左監門衛上將軍繼收懷州金州加檢校太保帝即位復居西衛至是以有弟為魏州子城都虞候故延光使人誘焉繼英不自安逃許州匿於所親溫延沼弟以英有女嫁溫延沼之故也竟不為溫氏兄弟所容知張從賓據汜水判命繼英往依之尋為杜重威所擒送闕梟首北市時繼英有子曰懷德而萬泉令蒲中連帥安審信據而奏之尋有勅追毀所受告赤釋之以繼英因匿身不容本非為逆故也是時楊光遠討范延光於鄴送賊軍都頭王洪等十人至大寧宮前並釋放

三年三月詔送箭書二百遣楊光遠射入賊城除范延光外並



八月帝以范光據鄴城攻之經歲不下以思老民勞思解其役遣謁者入謂之曰卿既危蹙敗在朝夕若能返掌轉規改節歸我當以大藩處之如降而殺之則何以享國明明白日可質是言因賜鐵券改封高平郡王移鎮天下延光謂門人李式曰主上敦信明義言無不踐許之不死則不死矣因撤去守備素服請降

十月制七萃師徒五營吏士偶因罪累遂至逋逃念曾効於忠勳宜顯行於招誘自用軍以來應有諸軍及諸色負罪逃軍諸處人限一百日內許所在陳前並不問罪却與收管如限不出復罪如舊諸州府應有見禁此色人家口骨肉並從釋放

五年五月安州節度使李金全叛歸淮南命馬全節以汴洛汝鄭單宋陳蔡曹濮申唐之兵討之帝使供奉官劉彥瑤馳詔諭李金全曰邊藩都護三年一更古之制也嗣守世及則勞逸不均朕俾全節代卿將授卿以重鎮何猶豫熒惑而有異圖近覽復州上言云東陵泗口官波三成皆稱江夏鳩集水軍大發樓櫓與卿應援又賈身蔡進等咸以蠟書章表來投闕庭故旋命六將徵兵三萬如能轉負從順朕亦待爾如初予之食言何以享國若其迷途不返即襲從昧則夷宗覆朕良可哀也

六月淮南偽安州節度使李承裕率衆大掠輦其資貨而夜遁擒其監軍杜光業其部下將毛璘孫厚呂太徐孔李重福等五百人露布詣闕帝曰此等何罪乃以所獲馬與弊資贖豐厚

而錫之及待以館穀光業等無不仰天感激涕泣請死帝終不戮一人悉放還之

六年八月制曰天覆地載無所不容改過自新於斯為美應亡命山澤負罪潛匿者並放罪招攜各令歸業所在切加撫安如過百日不出者復罪如初

十一月襄州投來將士三百餘人到闕宣付侍衛司安排其首領衣賜帛有差

七年正月鎮州安重榮偽署深州刺史李從楨指揮張仁希并都頭十將長行共九十七人先歸降到闕見賜衣物有差等人押赴鎮州

少帝開運二年宣收降到秦州刺史晉廷謙軍州官吏已下至行宮前勅令釋縛賜晉廷謙器帛鞍馬銀帶公裳又賜錄事參軍李崇義司法參軍張唯諫清苑主簿李正佑部署指揮使劉繼暉器帛有差

漢高祖以天福十二年四月即位於大原五月至霍邑詔諭鎮州趙贊曰卿燕臺大族唐室懿親作鎮方隅既多善政應時制置素有嘉謀實兼文武之才比擅方圖之譽惟卿之身又從迫脅居胙土而當全骨肉還漢疆而近脫鋒鏑浮沉祇繫於虜情舒卷非由於已意想其扼腕嘗所吞聲朕猥以眇躬式降丕構承昊天眷命副郡后樂推方救阽危用拯塗炭昨契丹見華人

不附尋已促還今莫長為神物所誅俄聞暴卒興亡之兆其理昭然其永康王遁入鎮州與卿顯相疑貳今月一日於待賢館

內已被繫俘所有寮屬將校並遭誅戮寃聲遙聽慘性可量想  
計聞之必多酸楚卿一門忠孝三代公王湏自雪家寃當共清  
國難於我則既明向日於彼則無與同天自然燾土分茅長居  
爵位重茵列鼎永慶來雲孟津之會宜先塗山之期勿後况車  
駕按幸已及晉州無致他人別邀富貴臨軒睠港注寤寐不忘  
所有諸道申奏所有等逃遁事由表文章狀等並同封徃其三  
軍官吏僧道百姓等別勅曉諭撫問用符卿意當體朕懷  
六月至洛詔應有契丹除授諸道節度觀察防禦團練使刺史  
及令錄賓僚將吏等並各安職不議改更  
十一月杜重威據鄴城拒命城中散指揮使穆彥章相次與軍  
士等來歸彥章賜帛百段銀帶器皿鞍馬等餘有差

乾祐元年詔曰其有先曾仕契丹并有骨肉見在契丹者其本  
人本家所在切要安存不得妄有恐動

隱帝乾祐二年正月乙巳朔制曰河府李守真鳳翔王景崇永  
興趙思綰等此與國章素無讐讐因疑懼遂致叛逆所以命  
將陳師徵辭問罪止期旦夕必見攻收然以彼之堤封朕之黎  
庶又陷孤壘可念非辜易子所骸填溝委塹為人父母寧不軫  
傷但人屈已愛人先生厚德苞荒舍垢列聖美談宜弘濟物之  
恩用廣好生之道其李守真王景崇趙思綰等宜令逐處都部  
署分明曉諭若能翻歸歸順朕並待之如初當保始終享其富  
貴明申信誓固無改易其或不認推誠堅款拒 便可應時攻  
擊剋日盪平後復收城池罪止元罪其餘誅誤一切不問仍預

告諸軍破城日不得殺人放火諸處草寇等拋棄耕農聚集林  
數晝伏夜動害物殘人前後累令翦除繼行招諭尚恐疑懼特  
示寬恩如能改過知非出來陳首者應已前所有非爲一切不  
問宜令逐處節度刺史乃巡檢使臣明行曉諭宣達朝廷恩旨  
冀其歸業常切撫安不得信任節級所由衷私恐動重念征討  
已來勞役茲甚兵猶在野民未息肩急賦繁徵財殫力匱於郵  
之澤未下於疲羸愁嘆之聲幾盈於道路尚以軍旅未息芻粟  
無餘猶稽蠲復之恩空懷愧憫之意即俟邊烽少弭國患漸除  
當議優饒既獲蘇息諸道藩侯郡守咸分既任共體憂勞更宜  
念彼瘡痍倍加勤郵究鄉閭之疾苦去州縣之煩苛勸課耕桑  
少察寬濫共挾政理用副憂勞凡百臣寮當體朕意辛未優州  
節度使李彝殷獻馬謝隸靜州爲屬郡彝殷祖拓拔思恭唐光  
啓初得夏州節度鉞自相繼襲後唐明宗時命樂彥稠等討之  
彝殷招引党項攻奪餉道食不能給彝殷登城言曰夏州虛名  
耳無珍寶芻蕘貢奉朝廷但以父母相寓居此郡或朝廷指使  
征伐願誓衆先登幸國家哀憐繇是赦之自是傲視中原陰結  
叛臣朝廷知其心而羈維之四月永興趙思綰華州節度成闕  
乞降制遂授思綰華州節度留後檢校太保以永興城內都指  
揮常彥卿爲號州刺史九月以契丹偽署前武州刺史高奉明  
爲右衛將軍奉明曾任蔚州錄事三軍項歲契丹陷蔚州奉明  
爲審將南大王養子累授刺史戎王死永康立以奉明爲邢州  
節度使以代麻荅麻荅主留鎮州未幾聞高祖南渡高唐英死

冊府元龜  
於安陽心不自安乃請麻荅署馬部都指揮使留驛為本州副使彙令知軍府事奉明歸於鎮州麻荅被逐奉明赴闕故授環衛之官

三年三月徐州部送所獲淮南都將李等三十人循于市復終與衫帽放還淮南

新刊監本冊府元龜卷之一百六十八

新刊監本冊府元龜卷之一百六十七

帝王部

一百六十七

招懷第五

周太祖以漢乾祐中奉命討河中李守真太祖令水軍沿河具戰棹長連城用步軍分守各以使臣監之賊小校劉重進來降補招收十將付以錦袍銀帶積於城下令誘賊軍

廣順元年正月徐州押牙鞏廷美教練使楊溫據城拒守勅曰朕昨迫於軍情遂臨帝位已曾示諭想備聞知汝等初得耗首爭無疑懼一則顧身掇甲閑閑湏至如是今覽汝等執姚武文字備認心誠况汝等始則為使主竭忠終則向朝廷順命秉持甚善節義可嘉佇俟旌褒何煩憂懼近者已有勅旨汝等並授

郡符只候新節使入州即便施行恩命朕當示信於天下汝宜諭旨於城中凡在軍民各宜安堵其諸元從職負並宜安撫三月丙寅與荆南高保融詔曰安審琦奏湖南船網一行監押而梗澁致官健以淹番卿義在恤隣志惟體國俾歸途而無滯副軫念以在茲已降宣命下棗州取逐人便穩如願歸本道者即差人管押至荊州候到鄉可差人部送至湖南

五月丁丑敕京兆鳳翔府朕臨御以來憂勤無怠慮庶政之尚闕恐蒸民之未安寢食不遑夙宵若屬早歲雍岐連叛兵革荐興迨至討平可知傷弊誠恐負罪之黨尋以誅夷亡命之徒近皆滌蕩則被釋放者皆為赤子經輦車者悉是平人雖性命之永全在生涯之何惜興言軫閔未嘗去懷其京兆鳳翔府先因攻討之時及收復之後應有諸色犯罪人第宅莊園店舍水磴曾經籍沒及本主未歸者已宣下本道給付罪人骨肉為主仍仰逐處嚴切指揮勿令所由裹私闌左邀求資金庶令存濟用副朕懷

八月滄州王景言幽州饑繼有流民入界勅朕以沿邊百姓適因災沴遂至流亡拋棄鄉園扶携老幼未有安泊之地深懷愍念之心宜切撫綏庶令存濟其邊界流移人戶差使臣於所在官吏撫恤安泊其滄景德管内甚有河淤退灘之土蒿菜無主之田頗有膏腴必有耕種可令新來百姓量力佃時只不得虛占土田有妨別戶居止如是願在別管界內居住者亦聽取便

所在閔津口岸不得阻滯如邊界有親識可依亦令從便仍人給斗粟委三司支給候安泊定處便耕種收差稅是月晉州送擒獲太原軍士二十六人各與中履衫袴並釋之

二年正月賜克州慕容彥超詔曰朕與卿又叙弟兄比無嫌隙自前歲奔逃之後尋時慰納如初察憂疑則推以赤心邀信誓則指之白日留男不歸大職欲已只在藩舊動必依從斷無疑阻何故執心不定率意而行聚草寇於城中修戰具於衙內發言無遜舉事無常差遣元隨主持鎮務恣令殘害貨辨誅求率配之名三四十件搶拾事力贍養姦克一境生靈不勝其苦南則結連淮寇北則句喚劉崇早者差都押牙鄭麟口奏敷陳乞移藩閫朕推心雅納迴詔允諭昨上表請赴闕庭朕亦一從卿

意復成欺侮翻有指名薰更偽作鄆州書題點染齊王勲德且非竒計何必如斯近者東面諸侯相繼奏報稱卿差點管內人戶團併義營欲擬發軍攻取隣道衆情不伏闔境波逃其百姓皆併力同心殺却元隨鎮將例各將家迴避散投外界潛藏或則保聚山林就便構置寨柵懼卿挾讐屠害不保朝暮縣望管軍救護為主朕為人父母爭不痛心吊伐之行蓋不獲已今差侍衛步軍都指揮使曹英等部領馬步大軍問卿情狀卿若能改心知過束身歸朝當許全生待之如舊朕或違信是謂自欺卿若拒張便令攻取今更飛此詔始末指陳冀卿靜慮深思庶幾轉禍為福言盡於此卿其圖之

二月癸卯以先擒獲太原鄉都頭周暉而下百三十三人各賜

錢鞋遣供奉官蓋繼明部送昭義界放還鄉里甲辰以先獲淮南指揮使燕敬權都頭趙筠官健吳進羅義等四人放歸本土仍賜衣服金帛以遣召見謂之曰爾歸言達吾意於爾君凡人惡克邪獎忠順天下一也我之賊臣撓亂國法嬰城作逆殃及生靈不意吾人助此兇匪驅徒領衆涉我封陲南土君臣非良笑也

是月戊申以兗州兵士數百人先在金州屯城其家口仍在本城中敕就金州撫諭之曰一昨慕容彥超結連卓寇毒寇蒸民側近縣鎮鄉村無名脅從屠害人神憤怒須議討除朝廷已發大軍往彼攻取汝等屯城邊境勞苦經時言念忠勤不忘寤寐所有汝等家口並在兗州城內屬此背違想勤憂念在朕誠意暫不弭忘已降宣命指揮曹英候收復城池日即時選得力員僚部領兵士率先入城占據本營安撫逐人骨肉家口不得輒有驚恐

五月親征兗州乙丑旦次金鄉曹英送賊黨文懷美三人至行在賜袍帶釋之癸酉賊散負都將周延嗣歸順自是賊黨相繼來奔皆有所賜是月兗州行軍孫暉副使劉演及本城將校等為軍士所獲以其脅從皆賜衣裝以釋之諸村坊要路捕獲得賊黨者相繼而至帝多宥之彥超元隨都指衙鄭麟李玘及伶官十數人王俊請而免之是月兗州平制曰應曾與慕容彥超同惡之人逃避潛藏者並與釋放仰於所在自出陳首百日不出首者復罪如初應已伏誅逆黨人等於誅處有骨肉者先以



指揮放罪招安尚慮本身抵法之後却有驚疑且令所在州縣明行告諭釋放不問兗州城內幕職及縣官吏軍府將校令並放罪其衙州前州使兩院職役人本城軍都並勒仍舊自慕容彥超違背已來鄉川山寨豪強人等接便為非却掠虜殺今因收復之後並與洗滌一切不問

八月淮南界俘獲耕牛雜畜詔送還本處

三年正月夏州李彝殷府州折德辰上言河東界偽麟州刺史楊重訓以蕃部攻圍繼來求便乞歸明賜勅書曰麟州刺史楊重訓及軍州將吏職負等據夏州節度使李彝殷奏得汝等狀稱劉宗拒命聖朝堅其逆壘今被部族侵迫乞垂救解無已稱大朝正朔并州逆命邊郡無歸值妖孽之脅從致朝貢之兩絕

今則蕃部兵士助我討遠汝等哀告蕃鄰欲謀歸向備都者通之意特申弘納之仁宜示撫安用獎忠順已指揮州府及諸蕃部不令進攻汝等便宜明宣朝旨告諭軍民應是通河東道路口岸畫時遣人守禦不得通人來往凡有公事一一奏取朝廷指揮其官員將校職掌一切依舊仍分析名銜申奏當議等第加恩兼之酬賞邠州折從阮言奉詔示諭慶州諸蕃部尋遣人告報首領其野鷄第七門族首領李萬全及樹夥等族受勅書領袍帶等設誓其諸侯猶負屈疆見與寧州諸軍襲擊次其月戊申邠州折從阮言奉詔討逐慶府野鷄族兼招携諸部族臣自前月興兵後招到樹夥等二十一族與勅書袍帶綵段設酒食令發誓詞盟約兼排列兵士圍繞今已和斷兼補郝奕為慶

州牢誠使又發龍捷一指揮赴寧州深州言蕃界內歸來老少漸多任便諸處安置三月己前解州刺史鄭元昭為慶州刺史充青白兩池催鹽制置使廣順初以郭彥欽再刺慶州性瀆貨及擅加摧錢民夷流怨州北十五里寡婦山有蕃部曰野鷄族多羊馬彥欽作法擾之利其賂遺蕃情獷悍易為不法彥欽乃奏野鷄族暴盜掠奪網高帝難於興師遣使贖詔書撫諭望其率化蕃人既苦彥欽惡政不時報命或曰野鷄部族蕃落之最徵者宜以兵詰而誅之乃移陝帥折從阮領邠州又令寧州張建武會合環州皇甫進兵攻之建武勇於立功徑趨野鷄族帳追擊殺百人其喜萬玉族折思族殺牛族者皆熟戶蕃人此無猜忌又殺牛素與野鷄族有憾且聞官軍討伐相聚餉饋欣然欽奉官軍利其財貨孳畜却奪之翻為諸族所誘至包山負險之地官軍不利被蕃人迫逐投崖墜澗而死者數百餘折從儉等以兵自保無相救應建武陷長男餘衆僅免帝怒彥欽及建武俱罷任彥欽至京師勒歸私第竟不得見建武左遷率府率是月元昭兩池催鹽之任故特行制置以寧邊人其月契丹降人偽授孺州晉山簿李著鄭縣簿王裔秦州司法劉裴等著賜比明經出身裔裴比學究出身

五月沁州和川縣民四百戶來奔遣於河中安置命節度使彥超分配居止撫安六月勅大原來降嵐州錄事參軍丁守加朝散大夫試大理評事兼監察御史為蔡州真陽令

世宗顯德元年正月詔自廣順元年後來幽州淮南西川河東

等界軍人百姓投降者累令安撫所在有無荒閑田土一任請射主佃為永業西川接界又不通商今後一任來往只須所屬官吏防閑恐夾帶姦細

三月辛巳詔應汾遼州府接近西川淮南契丹河東界處仰所在州府及巡檢使臣鈐轄兵士及邊上人戶得侵擾外界及虜人畜務要靜守疆場勿令搔動其移來人戶仍仰倍加安撫是月親征河東甲午次高平縣兵士解嚴詔河東降卒二千餘人各賜絹二疋並給衣裝義軍各絹一疋令還本戶受賜者無不歡呼感泣

四月戊午偽遼州刺史張漢超待罪於行闕命釋之仍賜衣服鞍馬器幣等甲子偽州防禦使董希顏偽歲州刺史郭言等詣行闕見帝命釋罪賜賚有差丙寅沁偽州刺史李廷誨見丁卯偽憲州刺史韓光愿見皆賜賚有差癸酉忻州偽監軍李就偽刺史趙高及契丹大將楊耨姑來降尋以李就為檢校司空忻州刺史仍遣賜慰諭

是月討太原廼詔河東及契丹敗散兵士中有潛竄入山谷間者並令招喚不得取有傷害如是義軍百姓便可放歸本家若是軍人及諸色人並監送至駕前各與穩便安排遼沁二州新屬路府又蹈賊境深可憫傷委本道節度使倍加安撫所有劉崇頰竒事件並與除放

三年九月甲午昭義節度使李筠遣牙將押送先擒到河東偽兵甲監押程友已下二百餘人到闕帝皆赦之仍加賜賚是月

四南面招討使王景獲西川軍校姜暉已下三百餘人來獻帝曰姜暉等悉是中朝將士昨拒王師盡力於僞主亦其忠也宜並赦之仍以錢帛賜之

閏九月潁州上言有淮南百姓刑盛等二人渡淮而來言因失耕牛故來此尋覓本部以來自賊境奏稟朝旨帝曰率土之內皆吾民也豈以不庭之境便為限隔宜速放還仍給官錢市牛與之皆大赦

十一月以奏鳳卒秦成階等州歸順將士自長行以上等第支賜優給其官吏將校職負等並與加恩其中有西川人負除恩澤賞賜外如願駐留者厚與請受如願歸去者並給盤纏用慰衆情免違物性應捉到賊軍將校一切放罪並令押送赴闕各

與恩澤自何里建等歸投西川已來訪聞管內州縣連歲饑荒百姓軍人倍多勞役科歛頗併法令滋章既為吾民宜革前弊今後除秋夏兩稅徵科外應偽蜀所立諸般科率名目及非里徭役一切停罷德音未該者宜令所司相次指揮

十二月辛卯右領衛將軍王繼濤押偽鳳州節度使王環已下四十三人到闕帝赦其罪頒賜有差先是自興師西伐至收復秦鳳前後擒獲川軍凡數千人帝皆赦之仍給以袍袴糗糧署為懷恩指揮由是降卒無不感悅尋以瓌為左驍衛大將軍仍以服玩鞍馬賜之

三年正月親征淮南壬子次永寧鎮帝謂侍臣曰壽州圍閉數月大軍暫退淮上如聞四面百姓徃日入城迴避者多來歸業

今王師再舉慮其復入城中枉為餓殍宜先告諭俾安其家  
卯次趙村軍士於戍邏間擒到敗卒數人帝問曰爾敗來數日  
何不走入壽州而乃日夜奔走周旋不離此地蓋心迷耳命釋  
其縛仍以袍袴賜之  
二月丁亥偽左神衛軍士徐象等一十八人來降賜錦袍銀帶  
鞍馬繒帛有差  
三月偽命光州都監張承翰以城歸順授承翰集州刺史是月  
賜揚光二州先歸順負流張洪等三十五人錦袍銀帶戍戍壽  
州城內天成軍使蔡暉來降賜錦袍銀帶錢帛等壬戌壽州城  
內軍校陳延貞等一十三人及水砦副將李溫等並來降賜物  
有差

是月命供奉官安洪道押江南進奉使副王崇質李德明等三  
人發赴金陵初吳人聞正陽之敗其氣已泯矣又聞今上敗何  
延錫於渦口擒皇甫暉於滁州始懼覆亡之不暇乃遣鍾謨等  
奉表來上謨等因面奏云臣之國主願割壽濠泗楚光海六州  
之地隸於大朝仍歲貢百萬之數以助軍用請罷攻討及孫晟  
至所奏亦然上以淮南諸郡半為我有復又諸將捷奏日聞於  
行在料其事勢可以盡取江北之地乃不許之德明等見上急  
攻壽陽慮頃刻不保乃奏云臣之本國向來不知大朝兵力如  
是願陛下寬臣等五日之誅容臣自往江南取本國章表割江  
北諸郡盡獻於大朝上乃許其行因令齎璽書以賜李景書曰  
項自有唐失御天步方艱巢蔡喪亂之餘朱李戰爭之後中夏

多故立既于茲海縣派分英豪鼎峙自為聲教各擅蒸藜連衡  
而交結四夷乘釁而憑凌上國蠶風不兢否運所種凡百有心  
孰不興憤朕猥承先訓恭荷永圖德不迨於前王道未方於往  
古然而擅一百州之富庶握三十萬之甲兵農戰交修士卒樂  
甲思歆報累朝之夙怨刷萬姓之包羞是以踐位已來懷安不  
暇破幽并之巨寇收奏鳳之全封兵不告疲民有餘力一昨回  
軍隴上問罪江干我實有辭咎將安執朕親提金鼓尋渡淮淝  
上順天心下符人欲前鋒所向彼寇無遺棄甲僵屍動盈川谷  
收城徇地已過滁揚豈有落其爪牙折其羽翼潰其心腹扼其  
吼喉而能不亡者哉早者泗州主將遞送書一函尋又使人鍾  
謨李德明至齋所上表及貢奉衣服腰帶金器器帛茶藥牛酒  
等近差健步進到第二表今月十六日使人孫晟等至齋到第  
二表進奉金銀等到行朝深誠厚意觀其降身聽命引咎告窮  
所謂君子見機不侯終日苟先達識孰能若斯但以奮武興戎  
所以討不服悖信明義所以來遠人五帝三王盛德大業常用  
自道以正萬邦朕今親統戎師恭行討伐告于郊廟社稷詢于  
公卿將相天誘其表國無異論苟不能恢復外地自畫邊疆便  
議班師真同戲劇則何以光祖宗之烈厭士卒之心匪獨遠天  
兼且拂衆但以河南部內已定六州廬壽濠黃大軍悉集指期  
尅日拉朽焚枯其數餘城非足介意必若盡淮甸之土地為大  
國之提封猶是遠圖豈同迷復如此則江南吏卒悉遣放還江  
北軍民並當留住免違物類之性俾安鄉土之情至於削去尊

親願輸臣禮非無故事實有前規蕭答奉周不失附庸之道孫  
權事魏自同藩國之儀古也雖然今則不取但存帝號何爽歲  
塞豎事大之意終不伯人於儉事資真慙詞匪之游侯都郡之  
悉來即大軍之立罷質于天地信若丹青我無彼欺爾無我詐  
言盡於此皆不煩云苟曰未然請從茲絕切以陽春在候庶務  
營恩願無廢于節宣更自期於愛重音塵非遠風壤猶殊翹想  
所深勞於夢寐又賜其將佐書曰朕自類禡興師麾旄問罪絕  
長淮而電擊指建業以鷹揚旦夕之間克捷相繼至若兵興之  
所自釁起之所來勝復之端倪戎甲之次第不勞盡論心想具  
知近者金陵使人繼來行闕追悔前事委質大朝非無謝答之  
辭亦有罪軍之請但以南邦之土地本中夏之封疆苟失克復  
之期大孤朝野之望已興是役固不徒還必若自淮以南盡畫  
池為界盡歸中國猶是遠圖所云願為外臣乞比湖浙彼旣腹  
義朕豈忍人必當別議封崇待以殊禮凡爾將佐各盡乃心善  
為家國之謀勉擇常久之利

四月駐蹕於壽春城下以江南偽命常州刺史姚鳳為左屯衛  
將軍是月前湖南節度使馬希崇昆仲凡十有七人自揚州來  
見賜衣服鞍馬錢帛各有差賜以希崇為左羽林統軍又以淮  
南偽命揚州通句尚書虞部員外郎何幼冲為上部郎中仍賜  
金紫

五月以偽命東都副番守工部侍郎馮延魯為大府卿

六月詔以江北諸州縣有未收復處宜令行營大將明申招諭

儻能變順變順朝廷其向來名位當一切如故仍選名藩大郡厚加旌賞其軍都自長行已上並與優給其中願歸江南者亦聽自便

四年五月詔曰應淮南界南百姓宜令行營將校告報諸軍不得俘虜傷害

三月親征淮南王寅賜收降到淮南將卒許文縝已下一萬五百二十四人分物有差甲辰偽壽州節度使劉仁瞻上表乞降丁未再差人上表是日賜仁瞻詔曰朕昨日再幸淮淝盡平諸砦念一城之生聚久困重圍三面之踈羅少寬疲瘵果聞感義疊貢表章卿受任淮南鎮茲淮甸踰年固守臣節不覲近代封疆之臣卿且無愧忠烈迴翔之際不失事機萬民獲保於安

全一境便期於安泰卿便可宣達恩信慰撫軍城將覲儀刑良增欣快覽奏嘉獎再三在懷差東上閣門使張保續入城宣諭是日仁瞻遣其子崇讓上表請罪又賜詔曰朕臨御萬方推誠克已當五兵未戢雷霆宣振耀之功暨萬族投戈覆載示生成之德况卿等受任本國保茲烈藩戮力邦家將帥常道救援不及迴翔得宜事主盡心何罪之有已令宣諭當體優恩勉自保調無更疑慮稱獎在念寤思不忘戍申帝率六師於臨州城北受仁瞻已下降時仁瞻已抱疾帝令不拜慰勞久之仍賜襲衣玉帶御馬鞍轡金銀器皿錦綺綾羅等甚厚又賜其子崇讚等四人及監使周廷構節度判官鄭牧營田副使孫羽等分物又賜其軍士錢絹米麥各有差尋除仁瞻天下軍節度使特進檢



校太尉兼中書令壬子以江南偽命西北面行營監軍使舒州團練使朱元為蔡州防禦使文德殿使監軍使周廷構為衛尉卿壽州營田副使孫羽為太僕卿節度判官鄭牧為鴻臚卿賞歸順也

四月辛未以江南偽命西北面行營應援前永安軍節度使檢校太尉許文績為檢校太尉左監門行上將軍以偽命西北面行營應援都軍使前武安軍節度使檢校太傅邊鎬為檢校太傅左千牛衛上將軍仍各命一子為供奉官

五月賜許文績邊鎬王環周廷構馮延魯鄭牧孫羽等宅地各數畝又以材植緡錢等賜之俾構居第

八月又賜許文績等各絹三百疋絲五百兩俾備時服

十一月癸亥賜濠州降卒錢帛各有差乙丑漣水縣偽雄武軍使知縣事崔萬迪以其縣來降尋授萬迪瓊州口史充開封府馬部軍都指揮使仍以鞍馬銀器錢帛等賜之內寅制以為濠州團練使郭廷謂為濠州防禦使以偽濠州兵馬都監泰州團練使陳遷為沂州團練使以偽保義軍節度使陳承昭為右監門衛上將軍仍以錦袍銀帶賜之是日賜漣水縣降兵士衣物錢帛各有差

庚午為濠州團練使郭廷謂已下詣行宮見帝優以待之咸厚加賜賚焉

十二月泗州守將范再遇以其城降尋授再遇檢校太保宿州團練使賜推誠化功臣仍厚加錫賚

五年正月甲寅朝令坤自揚州差人執江南偽閣門承旨李延祚來獻延祚稱奉李景命起遣江北人戶過江帝命釋之乃以錦袍銀帶賜之是月又賜海州捉到軍校卒伍錢帛有差

二月征淮南辛揚州辛酉偽天長軍使兼雄州刺史易贇為監軍使周暉已下詣行宮見尋以贇為天雄軍節度行軍司馬以暉為萊州團練副使咸加賜賚焉

三月己亥賜江南書云皇帝恭問江南國主劉承遇至齊到草表分割廬野蘄黃等州畫江為界兼重疊見謝者頃逢多事莫通玉帛之歡適自近年遂構干戈之役兩地之交兵未息蒸民之受弊斯多一昨再辱使人重尋前意將敷久要須盡縷陳令者承遇爰來封函復至請割州郡仍定封疆猥形信誓之詞備

認始終之意既能如是又復何求邊陲頓靜於烟塵師旅便還於京闕永言欣慰深切誠懷其常潤一路其沿江兵棹令已指揮抽退兼兩浙荆南水路將士各降詔示並令罷兵其廬黃蘄三路將士亦遣抽援近外若彼中起揭逐處負兵士及軍都家口了畢只請差人句喚在外將校交割州城所有江南州船或慮上下須有往來已指揮只令就北岸牽駕盡合披陳幸為體認

是月命益城監使申屠諤齎璽書押御馬一十疋金銀鞍轡一十副散馬四十疋羊十口賜江南國主李景諤先為王師所擒帝釋而歸之因令即是以往又命釋先擒到偽舒州刺史施仁望令歸江南仍加賜賚焉

四月江南進奉使馮延巳下辭賜延巳金器百兩銀器五千兩  
絹五十疋錢五百兩細馬四十蹄羊三百口使副偽給事中田  
霖已下所賜各有差

五月降璽書賜李景云皇帝恭問江南國主竊以道契昌隆撫  
有疆宇控諸方而定霸摠澤國以稱雄五嶺三江風聲自遠重  
光奕世甚構無窮不有奇傑之材孰副民庶之望朕猥以涼德  
奄宅中區接風攘以非搖幸馬牛之相及引領南望又渴徽猷  
果契素誠獲親高義一昨繼勞使介頻奉好音方在行朝未遑  
報命近還宮闕合遣軺車俾伸玉帛之懽必答歲寒之意有少  
國信今遣太府卿馮延魯衛尉卿鍾謨管押持送仍賜景御衣  
四對金銀帶各一錦綺羅縠綾帛共十萬疋金器千兩銀器萬  
兩御馬五疋并金玉鞍馬散馬四百蹄羊五百口又賜其世子  
冀國信物稱是又賜絹十萬疋俾犒其師焉

六月辛未降璽書賜李景云朕居太寶之尊為萬邦之主体寧  
昊從人之意法禹湯罪己之心豁開襟懷昭示寰海方務協和  
之德豈忘曠蕩之恩載想融和諒應監認相次收到江南諸軍  
負寮兵士四千六百八十七人今並放歸自是命使臣七人分  
藩押送赴迎奎渡過江仍以資糧賜之南軍無不感悅  
七月庚寅放江南天拔山長劍兵士七百餘人歸江南  
十月甲午放刑部侍郎馮延魯左監門衛上將軍許文績右千  
牛衛上將軍邊鎬衛尉卿周廷構等並歸江南又勅淮南諸州  
舊隸江南者元置義軍宜並放歸農

十二月庚辰江南生辰國使信曹翰辭上令資璽書以賜李景書云皇帝致書恭問江南國主星聚湖関挺生英哲命世既崇于基構承家撫有于江南顧寡昧之膺圖與君王而協契屬茲誕日遂舉舊章仍輟近臣往修圖命導所懷于樂土期履福之無疆令差樞密承旨曹翰押生辰國信往彼導希見領乃賜景金銀器千兩錦綺繒帛二千疋御衣三襲玉帶二條名馬二十疋金玉鞍勒各一副

六年辛滄州四月壬辰至乾寧軍為乾寧州刺史王洪率部眾以城來降賜物有差尋授洪隨州刺史

五月辛瓦橋関以契丹偽州刺史高彥暉為華州刺史以偽鄭州刺史劉楚信為寧州刺史以偽関南巡檢使姚内贇為汝州刺史皆賞歸順之智也

六月戊辰賜偽帛州節度使留從効曰黃禹錫至省所上表詔歸附大朝兼以京都置邸務事且悉卿自保全上宗專養黎元立功早達於機權臨事固無于疑滯而能望中原而内附陳方略以輸誠永言恭勤良多嘉獎爰自江南通和之後朝廷礼遇方深用恩信以綏懷俾寰區而是則兼以卿本道地鄰江表嘗奉金陵遽有改圖理宜盡善如上都邸于彼抗衡雖百谷朝宗無以異也是時從効遣牙將在蔡仲與為商人問道至京師求置邸内屬

新刊監本冊府元龜卷之一百六十八

帝王部一百六十八

却貢獻

禹別九州以任土實周設九貢以致邦用量遠近之宜制輕重

之法各以所有陳之藝極諸侯述職非為重弊也四海會同非

寶遠物也歸于宰旅賦之以時其或獻未有程人匪知禁或以

奇而入貢或以貴而樂輸遠方之珍不足以登俎豆非時之物

不足以充庖厨徒罄下情靡資國用歷代王者知上之所好下

有甚者故斥之而不御還之而不有書于簡編垂為軌範茲亦

有國之盛美也故錯綜其事著于篇云

漢文帝時曾有獻千里馬者詔曰鸞旗在前屬車在後

以鸞旗編羽毛

列繫旌旄載于車上大駕出陳于道  
道而先行屬車相連屬而陳于後也  
朕乘千里馬獨先安之安之言何  
朕不受敵也其令四方毋來敵於  
是還馬道理費而下詔曰

後漢光武建武十三年異國有敵名馬者日行千里又進寶劍

價無百金詔以馬駕鼓車劍賜騎士是年詔曰往年以勅郡國

異味不得有所獻御猶未止非徒有豫養導擇之勞豫養謂未

前養之導至乃煩擾導上疲費過所其令太官勿復受太官令

亦擇也明勅下以遠方口實所以薦宗廟自如舊制口實膳

御膳飲食章帝建初二年四月癸巳詔齊相省水純方空穀吹綸絮執素

也言色解潔如水穀少也方如也紗薄如空也或曰空

和帝時舊南海敵龍眼荔枝十里一窻五里一垓南海郡秦置

廣州記曰益智龍眼也交州記曰龍眼樹高五六丈似荔枝而小

實如鷄子其而多汁安石榴有甜醋者奔騰阻險死者繼路時

至日禺中翕然俱赤即可釋置謂驛也臨武長汝南唐羗縣接南海臨武縣屬桂陽

元年帝下詔曰遠國珍羞本以薦奉宗廟苟有傷害豈愛民之

本其勅太官勿復受敵由是遂止焉唐羗字伯游辟公府補臨

荔枝其生解敵之驛馬晝夜傳送之至有遭虎狼毒害類仆死

不絕道徑臨武羗乃上陳曰臣聞上不以滋味為德下不以貢

敵為功故天子食大半為尊不以菓木為珍伏見交址七郡縣

生龍眼等鳥驚風發南州土派惡蠱猛獸不絕于路至於傷犯

也此二物升履未必延年益壽帝從之安帝永初五年二月詔省減郡國貢獻太官口食

順帝永建四年五月詔曰海內頗有災異朝廷脩政太官減膳

也

珍玩不御而桂陽太守文龔不惟竭忠宣暢本朝而遠獻大珠  
以求幸媚今封以還之昔漢明國亦始大寶  
晉武帝咸寧四年十二月太醫司馬程據獻雉頭裘帝以奇技  
異服曲禮所禁焚之于殿前勅内外敢有犯者罪之  
穆帝升平元年秩南天竺旃檀獻馴象詔曰昔先帝以殊方異  
獸或為人患禁之今及其未及可令還本國  
後魏太和孝文二年八月詔罷諸州禽獸之貢昔漢明國亦始大寶  
六年三月行幸虎圈詔曰虎狼猛暴食肉殘生收捕之日每多  
傷害既無所益損費良多從今勿復捕貢  
宣武永平二年十月郢州獻七寶牀詔不納又龍驤將軍郢州  
刺史韓務獻七寶牀象牙席詔曰武帝焚雉頭裘朕常嘉之今

務所獻亦此之流也奇麗之物有乖風素可付其家人  
孝明時城陽王徽為鎮軍將軍時戎馬在郊王師屢敗徽以軍  
旅之費上國封絹二千疋粟一萬石以助軍用帝不納  
隋高帝開皇元年三月詔犬馬器玩口味不得獻上  
十五年六月相州刺史豆盧通貢綾文布焚之于朝堂  
唐高祖武帝元年十一月詔曰逸游損德昔賢貽訓玩物喪志  
前典格言西旅獻獒邵公於是作誠東齊饋樂尼父所以離心  
隋末無道肆極奢靡內聘倡優之樂外崇耳目之娛冠蓋相望  
徵求不息公私擾遽徭費無窮朕受命君臨志在儉約日旰忘  
食味爽求衣纂祖珠璣皆云屏絕彫琢綺麗又從抑止其侏儒  
短節小馬痺牛異獸奇禽皆非實用諸有此獻悉宜停斷宣布

遠通咸使聞知  
二年曷娑那可汗獻大珠帝曰珠信為寶朕所寶者赤心耳何  
用珠為竟不受  
六年欽州摠管甯長直獻大珠昆州刺史沈遜融州刺史歐陽  
世譜象州刺史秦元覽並獻筒中布建州刺史葉顥獻練布吳  
王杜伏威獻竹帳帝以勞民皆不受之  
九年九月突厥頡利獻羊萬口馬三千疋帝不受頡利所掠中  
國戶口者令歸之

太宗貞觀五年新羅獻女樂帝不受並五色鸚鵡各令將還本  
國  
二十年五月高麗王藏及莫離之蓋金遣使來謝罪并獻二美  
女蓋金即蘇文也帝謂其使曰歸語爾主美色者人之所重爾  
之所獻信為佳治憫其離父母兄弟于本國留其身而忘其親  
愛吾若取其色而傷其心我不取也並還之

高宗永徽二年閏八月吐谷渾河源郡王慕容諾曷鉢遣使獻  
駿馬其馬之種使對曰臣國中之最者所以獻之帝曰良馬人  
之所欲豈可輟彼不足而加我之有餘哉乃命還之  
十一月詔曰戈獵吹游素非所好常謂此志布于遠近而蕃夷  
有獻鷹犬者有阻來遠之情時復為受示以不違其意其諸州  
及京官仍有訪求狗馬鷹鷂之類來進深非道理自今後更有  
進者必加罪責

咸亨二年五月周澄遣使上表云訶迦國有白象首垂四牙身



運五足象之所在其土必豐既有威靈又弭災患力兼十象強制百人以水洗牙飲之愈疾請發兵迎取以獻之帝謂侍臣曰舜用漆器而人叛紂用玉盃而國亡此亦所費不少但是奢麗之漸不可啟也夫作法于儉其弊猶奢作法於奢豈能制上故聖人越席以昭儉茅茨以戒奢書云珍禽奇獸不育于國方知無益之源不可不遏朕安用奇象令其遠獻乃勞其使而遣之儀鳳三年十月詔以來年正月幸東都劔南隴右諸州每年遣進物一二年且停

開耀元年十二月吐大羅進金衣一領帝不受

中宗神龍二年真臘國遣使表請往文單採光明珠頗黎玳瑁以獻手制不許

玄宗開元五年以康安國突騎施等貢獻多是珍異謂之曰朕所重惟穀所寶惟賢不作無益之費不貢遠方之物故錦繡珠玉焚於殿庭車渠馬瑙摠賜蕃國今之進獻未識朕懷宜收其情百中番一計價酬答務從優厚餘並却還是年突騎施遣使獻橐駝及馬降書謂卿遠貢忠信請獻馳馬朕玄默為神澹泊為德稅彼部落則有勞費已勅所司不令輒受深厚意宜體至懷

七年二月癸未勅伊州歲貢年支米一萬碩宜停

肅宗至德二年六月戊寅帝降誕日公卿以下咸以進獻帝以行在並不受

乾元元年四月詔曰諸使應選鷹鵠狗豹等一物並停

元年建卯月制諸道貢獻除馬畜供軍之外其餘鷹鷄狗獬奇禽異獸並不得輒進

代宗廣德二年七月停饒州進乳米

德宗以大曆十四年五月即位閏五月丙子詔曰天下州府及新羅渤海歲貢應鷄者皆罷既來者所在放之戊寅詔曰山南之枇杷江南之甘橘歲次第貢者取一次以供廟享餘皆罷之是月癸未詔曰劔南歲貢生歲酒十斛罷之

六月己巳詔諸州府祥瑞珍奇異獸鷹鷄犬之類奇器異服錦繡珠玉等並不得輒有進獻己未詔曰揚州每歲以端午之日鑄貢鏡于江中者及幽州歲貢麝香皆罷之

七月辛巳高州歲貢縞膠罷之

十月詔九成宮歲立獸爐襄州貢蔗蕪及種蒔之工皆罷

建中元年四月癸丑德宗誕降之日也先是元日南至端午及降誕之日四方兢貢獻者數千萬及是帝以為非故事皆不納淄青節度使李正己魏博節度使田悅各獻綾三萬疋悉以歸度支以代租稅妃父王景仙駙馬高怡獻金銅佛像以為壽帝使謂曰有為功德吾不欲為悉還之

興元元年正月癸酉帝在奉天行在宮受朝賀大赦改元制諸道貢獻自非供宗廟軍國之用一切並停

順宗以貞元二十二年正月即位二月甲子詔諸州府常貢外不得別進錢物金銀器物奇綾異錦彫文刻鏤之類若已發在路者並納左藏庫乙丑停監鐵使月造錢舊監鉄錢物充進獻

以求恩澤後益進錢物謂之羨餘而經入益少及貞元逐月獻  
焉謂之月進及是而罷

憲宗永貞元年九月襄州節度使于頔進鷹詔却還之  
元和元年八月韓全義之子進女樂八人並入見帝曰吾方節  
約以訓天下宮中之樂尚有出之者此獻何為遂不安

六年四月以張茂昭妓樂女子四十七人歸之

八年九月淄青節度使李師道進鶻十二命還之

十年九月勅澤潞及鳳翔天威軍每進鶻字既傷物性又勞人  
力宜停進是歲王師討淮蔡諸侯皆貢物財軍太子賓客于頔  
進銀七十兩金五兩玉帶二詔不納復還

十一年三月勅諸道今年端午進奉宜權停

十二年二月勅今端午進奉宜停八月己巳處州刺史苗稷進  
助軍錢絹及鞋等詔曰天下成敗固有常規刺史進錢固非舊  
典恐為後例弊及疲民言念于茲義在惻隱其苗稷所進  
助軍錢絹共二萬六千疋端麻鞋一萬量宜却還本州苗稷將  
代貧下戶差稅箭一萬隻令付本道都團練使收管辛未勅伐  
叛興師又勞於外潰軍給費固已為煩獻賀之儀屢至諒非朕  
志務從簡約式表優勤其今年冬至及來年元日諸司諸道進  
奉宜停

十三年四月劔南西川奏南詔請貢獻助軍牛羊奴婢等帝發  
詔褒美不令進獻

十四年六月己酉韓弘進女樂十人命還賜之癸丑又進女樂

二十人命放歸本道

穆宗以元和十五年正月即位三月罷中州歲貢茶以數少勞人從觀察使李程之請也

長慶三年正月詔應綠御服及器用在淮南兩浙宣建等道供進并端午降誕常例進獻者一切權停并鷹犬之類除備蒐狩除一切放之

十月停浙東每年進淡菜及海蚶等

四年三月壬子詔天下常貢之外更不得別有進獻縱節度現察使入朝亦不得進奉諸道監軍自今已後本道并入奏並不進獻天下所貢奇綾異綿彫文刻鏤一事已上有涉踰制者悉皆禁斷鷹犬之流本備蒐狩委所司量留多少其餘並解放

仍勅州府更不用進來七月左金吾衛大將軍李祐進馬二百五十疋詔還之

敬宗室曆元年六月乙酉詔公主郡主自今已後毋得進女口文宗以室曆二年十一月郡位是月鳳翔府淮南先進女樂二十四人放歸本道

太和元年三月右軍中尉梁守謙表請致仕獻馬五十疋玉帶五十條銀器五担勅並不受

四年二月尚書左丞王起進亡兄播銀胡瓶百枚玉及通天犀帶各一條刀劍各一口器杖一副馬二疋私白身三人有進止令受銀瓶刀劍器杖及馬其白身却還翊日重進復不受旋命中使就宅宣白身三人更不用進來

七年正月東川浙東奏准詔立後造新茶是月吳蜀競以盛  
冬進貢帝深務仁儉逆物之時凡諸道非時而貢者詔皆禁絕  
八年九月詔應進奉口味時菓薦獻之外不得廣為般次煩於  
郵傳一曰尚書式卷上陸步下民辭開成元年正月勅諸道賀正端午降誕賀冬進奉起今權停三  
年其錢充折放百姓兩稅所在除藥物口味茶菓外不得輒有  
進獻百司及諸道應宜素製造一物已上並停

二月勅諸道應以禽鳥獸犬等上獻者依四節例權停三年所  
在監軍常進者如例

十二月勅河東每年蒲桃酒西川進奉酒宜並停

三年六月諸道征鎮各奏准詔停進奉以放貧下民租稅

宣宗初魏謩為戶部侍郎平章事時詹曠國獻象謩以其性不  
安中土請還其使帝從之

大中七年二月興元進犀牛有詔還之

哀帝天祐二年六月以福建每年進橄欖子勅曰九州禹別奏  
分八郡勉務隨方之職須資利物之源朕所以鄙藹醬於漢朝  
慕菁芋於周室用為儆戒以省征徭福建一道遠在海隅常勤  
土貢每年所進橄欖子頗甚勞役往來本因闡豎生成甌閩自  
為耽愛率令供進以為定規况非薦熟之外仍異厥苞之禮雖  
彰忠蓋無濟闕如每年但供進臘面茶外不要進奉欖子水為  
常例

後唐莊宗同光元年十一月朕勅太平國患顯紹帝圖廓天地

之妖氛救生靈之塗炭方懷至理永保鴻休敦去革務實之規  
成革故鼎新之化足可塞僥倖之路絕繁費之源協我無私告  
爾有位應隨處官吏務局員僚諸軍將校等如聞前例各有進  
獻直貢奏章不惟褻瀆於朝廷實且傍滋於誅歛頃宜止絕以  
肅化風

明宗即位勅曰八表來王蓋率朝宗之義四方述職咸遵任土  
之宜苟獻奉而過常固煩費而滋甚將隆景運以俟雍熙但思  
於碎枕焚裘宜悅於珍衾異室德宜從儉法在鼎新起今後中  
外臣寮藩郡牧伯時節獻賀量事達情不得掎歛生民致令愁  
歎鷹犬之類勿有進獻同光改元天成下制曰征賦上供國之  
常典別因進獻懼削生靈應節防禦等使除正至端午降誕四  
節量事達情自於內庫負融不得輒科百姓其四川刺史不在  
貢奉

三年二月帝謂侍臣曰自今後行幸處宜令止絕進奉是月河  
東節度使石敬瑭進玉帶光潤異常帝謂之曰朕不少此色物  
復以賜卿敬瑭拜獻數四方受翊日賜以良馬又樂彥稠進迴  
鶻可汗先遣使送金裝胡韞遣秦王為党項所掠至是獲之而  
獻帝曰此物已經剽掠况曾曉諭凡破賊所獲軍中自收今置  
却賜彥稠所貴示人以信彥稠又進納党項所却迴鶻玉二圍  
尋却賜之

十月癸酉湖南馬希範荆南高從誨並進銀及茶所上章各稱  
與強冠比鄰長資防捍希宣賜戰馬以助軍容帝曰湖南接淮

寇請馬為宜荆南在內地何煩設備趙延壽奏曰藩臣來馬不  
宜受直請還其獻量賜馬數十匹帝曰然乃賜馬希範馬五十  
疋從誨二十疋還其獻

十一月宣旨在京臣僚不得進奉賀長至馬及物色  
末帝清泰元年七月某毫陳邠四州刺史丁審琪而下各進馬  
賀中宮受冊詔不納  
二年五月詔曰朕聞奇伎淫巧增費損功古先哲王常戒其事  
朕憲章百代臨禦萬方以其欲致延鴻必絕驕奢之漸將期富  
庶湏除蠹耗之源每務實以去華期化民而成俗近者諸色進  
奉宝裝龍鳳雕鏤刺作組織之異曾經厘革尚敢踰為宜再舉  
行貴於遵守今後比色物諸處不得進奉所由司不得輒通

晉高祖天福二年四月詔下北京留守石重貴凡有諸道礼物  
不得收留

四年六月陳留民王武穿地得黃金數餅州牧取而貢之帝曰  
宿藏之地既非符寶不合入官命付所獲之家

九月勅朕恭已臨民虛心求理務從儉約以致和平乃眷臣寮  
悉懷忠義每覩貢助備見傾輸雖加奉上之誠宜示酌中之道  
其食七夕重陽及十月煖帳內外群后進獻宜停

五年四月詔罷洛陽京兆進苑園瓜果憫勞人也

六年正月詔曰朕自御寰區每思黎庶貴除聚歛以活疲羸訪  
聞遐僻邊境之州或無公廨利用之物每因節序亦備於貢輸  
輟官吏之俸錢率鄉團之人戶雖云奉上其柰害公今後冬年

寒食端午天和節及諸色謝賀無屬州錢處不得進奉

周太祖廣順元年正月庚辰街札宣示群臣曰朕以眇未之身託王公之上深懼弗類撫躬靡遑豈可化未及人而過自奉義道未方古而不知節量與其耗費以勞人曷若儉約以克已昨者所頒赦令已述至懷宮闔服御之所須悉從減損珍巧織奇之厥貢並使寢停尚有未該再宜條舉應天下州府舊貢滋味食饌之物所宜除減其兩浙進細茶海味姜瓜湖南椀子茶乳糖白沙糖橄攪子鎮州高公米水梨易定栗子河東白杜梨米粉菽豆粉玉屑粹子麩永興御田紅粃米新大麥麩興平蘇小栗子華州麝香羚羊角熊胆獺胆朱柿熊白河中樹紅棗五味樞密使王峻曰語云飢者不厭糟糠寒者不厭短褐是知克飢禦寒取足而已存理路者亦不可以貴賤易其操朕少孤微艱辛備歷逢時喪亂享帝王之位安敢過自奉養以困黎民卿可為予疏錄前代州府所獻滋味時菓之類不便于民者一切減省之故有是詔

二月鄭州吳處裕言州貢除新筍驚梨之外今進櫻桃勅命不該今取進止勅此後勿獻

三年十月右諫議大夫裴選右監門大將軍李崇本皆使兩浙使廻見進綾絹犀牙帝以海路艱險使臣復命不欲更立進貢却令賜之

十二月汾州侯章獻銀千兩馬七疋上壽不納又進請開宴絹千疋銀五百兩太祖顧侍臣曰諸侯入朝帝王自備宴以申魚



水之樂豈侯貢奉然後致宴其侯章所進請開宴銀絹宜却賜之今後諸侯入朝更有如此進奉亦當不受  
三年正月甲子前安州節度王令温進開宴絹五百疋教坊三百疋不納

二月前鄧州節度張彥成獻納七千兩請開宴不納  
四月丁巳鳳翔節度趙暉進奉錢絹請開宴不納壬申前同州節度使薛懷讓進請開宴錢一百萬不納  
十一月甲辰兩浙迴使千牛大將軍賈延勳副使大府少卿李玘等千牛將軍安從讚敵犀牙綾絹不納  
順德元年正月通事舍人王演高麗復命進水馬新羅刀劍不納

世宗顯德六年三月己酉迴鶻到闕進玉及硃砂皆不納所入馬量給價時帝以玉之為用無濟於軍國故因而却之

新刊監本用府元龜卷之一百六十九

帝王部

一百六十九

納貢獻

夫貢之不供國有常典獻或無藝人必告勞是故王者取彼樂

輸嘉其奉上宰旅歸其時事王府受其底貢大則謂之述職小

則會其時會是以無有遠邇賦以重輕既靡歎於無時亦曷謂

其勿受故禮曰各以所有傳曰史不絕書故始則列於邊實終

則資於國用其或守土者聚斂為德希寵者悉索其職雖甚盛

德猶或忽諸懲於前篇蓋亦有矣斯則明識者可俯而觀也

漢高帝十二年十月帝過沛留置酒十餘日乃去沛中空縣皆

之邑西獻

獻中酒也之往也皆往邑兩境有獻故縣中空無人

後漢明帝永平十一年灑湖出黃金廬江太守以獻灑湖有金廬州合肥

縣東南灑音子小切二十八年帝欲新置置四十餘日去於中

章帝建初七年十月岐山得銅器形似酒樽獻之

魏陳留王咸熙元年六月鎮西將軍衛權上雍州刺史成都縣

獲璧玉印各一印文似成信字孫盛以為公孫述自起成都號曰成王之文殆述所作也

唐高祖武德元年十二月乙亥豐州總管張良孫獻駮耳馬二

疋嘉其奉土率於其都軍王叔受其承貢大國之少

二年十月涼州刺史安修仁獻百蘇云餌之可延壽

玄宗天寶元年五月平涼都獲古鉄鼎之之九月益州獻三熟

蚕蠶紫白淨與春蚕不殊

代宗永泰二年山南西道節度使梁州刺史張獻成獻名馬二

疋絲絹雜貨共計十萬

大曆二年二月汴宋節度使田神功至自汴州獻馬十疋金銀

器五十床繒綵一萬疋

六月山南劔南副元帥黃門侍郎平章事杜鴻漸自成都府召

至鴻漸獻金銀器五床錦羅十五床麝香臍五石

德崇身元元年十二月戶部奏今年見到貢物摠一百五十六

州府

十一年齊暎為江西都團練觀察使暎常自以為相無大過當

復入用乃多進獻及為金銀器以希旨先是禁中銀餅太者高

五尺餘及李蕪為江西觀察使又獻高六尺者至是年帝降誕

日及端午暎獻高八尺餘者

十二年宣歙團練使劉贊卒贊初委遇副使嚴綬政事多所資  
訪贊初綬掌留務竭府藏以進獻由是有恩入拜尚書刑部員  
外郎天下賓佐貢獻專達自綬始也未幾河東節度李沆嬰疾  
事曠弛行軍司馬鄭僖代摠軍政選綬代僖為司馬遷檢校司  
封郎中是時姑息四方諸侯未嘗移代物故即以其軍司馬為  
帥德案嘗嘉綬之前日進獻記其姓名故驟蒙選任未一歲僖  
辛拜綬銀青光祿大夫檢校工部尚書兼太原尹御史大夫北  
都留守充河東節度支度營田觀察處置等使吳元初克復京  
師後府藏空虛  
諸道之有進奉以資經費復時有宣索其後諸賦既平朝廷無  
事常賦之外進奉不息章臯劍南有日進李兼江西有月進杜  
西揚州劉贊宣州王緯李錡浙西皆競為進奉以固恩澤貢入  
之奉皆曰臣於正稅外方圓亦曰羨餘節度觀察使或託言密  
旨乘此盜貿官物諸道謫罰官吏刻削祿廩入其材通津遠道  
者稅之蔣蔬藝果者稅之死亡節度觀察交代或先期

稅入以為進奉然十獻其二三耳其餘沒入者不可勝記也其  
後斐爾為常州刺史乃鬻窺炭貨案牘曰價之上皆規利焉歲  
餘進奉無幾迂浙觀察使天下刺史進奉自斐爾始判贊卒於  
宣州嚴綬為判官傾軍府資用進奉無幾徵拜刑部員外郎天  
下判官進奉自嚴綬始天下稅賦根本  
既出江淮時江淮人甚困而聚斂不息

十七年衢州刺史鄭式瞻進絹五千疋銀二千兩帝曰式瞻坐  
事已詔御史按問進物宜付左藏庫

憲宗元和四年四月命中使劉承謙宣付度支近有勅文不盡  
進奉其山南東道節度使裴筠所進銀器六十事共一千五百  
六兩宜准數收受送納左藏庫

八年八月汴州節度使韓弘進絹五萬疋

九月淮西節度使吳少陽獻征馬三百疋

十三年四月荆南節度使王諤之子稷進永寧里宅及宣義里

亭子時議以謬起兵間因緣際會累居大鎮厚殖貨財營第宅  
頗逾侈又請京兆府籍坊以廣亭榭朝廷業以恩待姑容其專  
既沒而入於官司固其所也

十四年五月涇原節度使王潛進銀三千兩熟線綾三千疋  
涇州密邇戎境其上無百姓其軍皆仰給度又舊矣至若無名  
上獻雖吳蜀沃富猶謂取諸人以干媚不免於譏責令則盜削  
軍實以充貢獻而求恩澤  
蓋以時急於財勢使然也

七月宣武軍節度使韓弘進絹二十五萬疋施三萬疋銀器二  
百七十事左右軍中尉各進錢一萬貫馬二疋自淮右宿兵已  
未度又鹽鉄及

四方進獻不已始曰助軍寇平則曰賀禮  
其後又曰助賞設及帝加尊號又獻賀禮

九月考功郎中蕭祐詣右銀臺進古今書畫二十卷

穆宗以元和十五年正月即位八月澤潞節度使辛秘進麝七

頭五坊使進麝八頭非常獻也

十二月江西觀察使王仲舒進臘日箭三千隻非常例也

長慶元年三月范陽節度使劉總請進馬一萬五千疋

二年九月鄜坊節度使崔從上言當管軍士因斲薪得古銅器

一四面有篆文隨表獻之

十二月韓弘孫紹宗進七祖白身口五人馬十匹橐駝十頭絹  
五十疋銀二千錠及器物刀劍弓箭等

三年二月西川段文昌進繒羅等四千五百疋

敬宗以長慶四年正月即位二月庚子西川節度使杜元穎進  
菴畫打球衣五百事

八月淮南節度使王播進宣索銀粧奩二

是月淮南淮南各進宣索銀粧奩三

寶曆元年六月以檢校右僕射兼戶部尚書薛平為檢校司空  
兼河中尹御史大夫充河中節度觀察使平理青齊有政績時  
論方給及是進絹萬疋旋有比拜議者甚惜

十月荆南前節度使王潛於賀冬進獻帝數外別進綾一萬七  
十疋是月昭義監軍使進豹三頭

十二月荆南節度使王潛又於賀正當進作別貢綾絹一萬疋  
三年七月鹽鐵使王播進羨餘絹五十萬疋

十月幽州節度使李載義進紅馬腦鞍一具

十一月昭義節度使劉從諫進貂三頭

文宗太和元年三月太原節度使李種進宣索馬鞍一百具奉先

朝之命也四方諸色貢獻類是衆不獲舉

三年十月故鄆州烏重裔男從弘奏請進助南郊絹一萬疋生  
馬一百匹請降中使交領

五年正月詔曰天下方鎮端午進奉雜綵匹段等從今後並令  
進生白綾絹

八年十一月太原節度使李載義進楊志誠馬千匹

懿宗咸通七年七月沙洲節度使張義潮進峻山青骸耳鷹四  
聯延慶節馬二匹吐蕃女子二人僧曇延進大乘百法明倫門  
僖宗光啟元年閏三月鎮州王鎔進耕牛一千頭戍器九千三  
百事

昭宗乾寧元年正月鳳翔李茂身來朝獻妓女三千人

天祐元年十月廣州劉隱進佛誓國訶陵國羅越國所貢香葉  
後唐莊宗同光元年十一月偽水平軍節度使張筠遣其弟  
錢即闡進馬三千匹銀二千兩御衣千段

是月宿州朱保煙進本朝十二列聖寫真及玄宗封太山圖  
二年正月鳳翔節度使李茂身進龍鳳王帶

是月涇源節度使李曦進寶裝針珥綵錦於皇后宮及河南尹  
張全義諸藩鎮進暖殿物貢羊馬等

三月福建節度使王審遣使貢奉

三月淮南楊溥遣其右威衛上將軍許確進賀郊天銀二千兩  
錦綺羅一千二百疋細茶五百斤象牙四株犀十株

五月故秦王李茂貞遣使王修遺留礼物水精鞍盤龍玉帶馬  
腦酒盃翡翠爵琉璃瓦玳瑁唾盃銀蓮花座珊瑚樹一株軍器  
繒錦等

九月兩浙錢鏐遣使錢孫貢方物銀器越綾吳綾鉞絹龍鳳衣  
絲鞋履子進萬壽節金器盤龍鳳錦織成紅羅縠袍襖衫段五  
色長連衣段綾絹金稜秘色瓷器銀裝花間木厨木金排方盤  
龍帶御衣白龍腦紅地龍鳳錦被紅藤龍鳳箱等

十月湖南進羅浮棋子福建節度使王審知進萬壽節并賀皇  
太皇到京金銀象牙犀株香藥金裝寶帶錦文織成菩薩幡等  
是月湖南馬殷進萬壽節銀龍鳳陷花漆浴斛一盤龍御衣龍  
鳳蹙金鞞鞍龍鳳裝箭服龍鳳末背方紅絲絃金鍍頭箭銀千  
兩又安義孔掠進寶裝酒器

十二月淮南吳國主楊溥遣使王權進賀正金銀花銀器錦綵  
千段御衣金器洎太后禮物

三年二月桂州馬賓貢方物

是月車駕在鄴庚午皇后劉氏生辰王都樞密使各進上壽物  
錦綵金銀器又河中李繼麟進鱣銀為宴資又湖南馬殷進羅  
浮棋子

五月吳越王錢鏐獻孔雀二又淮南吳越國主遣使王浩獻重  
干物銀錦紗縠細茶篋扇龍鳳紗紋厨諸州府各貢端午物

九月徐州進九鍊神網刀劍各一

十月兩浙錢鏐留後錢元瓘蘇州節度錢元璪各貢金銀錦綺  
數千件御衣犀帶九經書史漢唐書共四百二十三卷

四年正月鎮州知州梁文矩奏准宣進花果樹栽及樂官梅審  
鐸等並已赴闕

是月兩浙錢鏐貢佛頭螺子青一山螺子青十婆薩石蟹子四

空青四其表不題又沙州節度曹義金進謝賜旌節官告玉鞍

馬二玉團碣沙散玉鞞轡鉸具安西白氍胡錦雄黃波斯國紅

地松樹毼楊胡桐律金星舉大鵬沙

二月沙州曹義金進和市馬百匹羚羊角碣砂甃牛尾又進皇

后白玉符金青符白玉師子指環金剛杆瓜州刺史慕容歸盈

貢馬

明宗天成元年五月西都知府張籤進魏玉繼炭打球馬七十

二匹



九月壬申河中進百司紙三萬張詔紙二萬張舊制也

十一月戊辰戶部侍郎王權奏每年正仗天下貢物陳於殿庭屬戶部司引進切以近年已未未甚齊整本二百餘州貢物今止六十餘州伏以任土勤王本朝故事莫申尊獎所謂駁奔伏乞遍下諸州請依貢式陳進正仗之日所貴齊整從之

是月淮南偽吳主楊溥遣使魯思郾來賀帝登極持銀千兩金百兩綾二千疋茶三百角受之

二年四月偽吳國主楊溥差右威衛將軍雷峴進銀千兩綾羅錦綺千疋修重千之禮

九月潞州王從珂鎮河中進青氊帳一頂制度極廣并隨帳諸物泣金銀裝雕鏤龍鳳甚有奇功帝加賞之

十月帝將幸汴州潞王從珂自河中聞大駕巡幸進銀裝逍遙子一頂

十一月福建節度使王延鈞進犀牙香藥海味等

三年五月西川進助大禮錢五十萬白熟布十萬疋

十月前北京皇城使李繼忠弟姪三人進馬二百五匹金器八百兩銀萬兩家機錦百疋白羅三百疋綾三千疋絹三千疋繼忠者故昭弟帥嗣昭之子少有心疾其母楊夫人自潞州積聚百萬輦於荊州私弟繼韜之叛沒之于官莊宗南郊助太平賞給繼韜伏法其母又輦及普者餘百兩楊氏卒其弟相州刺史繼能潞府司馬襲聞哀俱至繼忠等詣官告變繼能繼襲伏法弟姪等遂得分其所聚故有是獻

十一月安重誨以生辰諸處人事得馬五十匹進充內廐  
四年正月青州於登州岸得風飄到新羅船進其寶貨

五月甲午東川奏進助南郊錢十萬貫

八月乙丑兩浙錢鏐使袁韜進銀五千兩茶二萬七千斤謝

恩加諸子官

十月戊戌福建王延鈞進謝恩銀器二千五百兩金器一百兩  
錦綺羅共二千疋并犀牙玳瑁真珠龍腦笏扇白壘紅壘香藥  
等又進謝恩進封母為魯國太夫人銀四千一百兩茶蕉海蛤  
通櫛箭等長興元年五月靈武進野駝峯二枝

十月福建王延鈞進賀郊禮畢錢七兩及蕉牙香藥金器百兩  
三年三月西京奏百姓侯可洪於楊廣城內掘得玉四團差三

橋鎮使朱廷乂呈進賜廷乂絹二十疋可洪等絹二百匹別賜  
價錢二百貫

四年十月己巳夏州李彝超進馬十五匹又前秦州節度使劉  
仲殷受代歸京獻馬七十二匹

廢帝清泰元年五月壬戌平盧軍節度使房知溫來朝及與諸  
將歸鎮宴於長春殿始奏樂知溫獻奉數萬計

七月辛丑前邠州節度使康福入朝獻金龍鞍勒馬十一匹

九月辛酉兩浙錢元瓘獻銀五千兩綾絹五千疋元瓘弟蘇州  
中吳軍節度使元瓘及諸弟領安南柱廣節元瓘等四人共貢  
銀七千兩綾絹七千疋

十月丙戌皇子河南尹重美洋王從章涇王從敏宣徽使李專

美獻暖帳羊酒爐餅火具襄州趙在禮獻青氊帳紅錦織成龍鳳暖帳甲寅河南尹重美又獻冬衣綿綿綺綾羅三百疋

十二月丙戌靈武張希崇獻巨霜螿二畚馬十八匹控鶴都指揮使李重謨獻馬十匹時征馬少親將首率也

二年九月甲寅兩浙貢茶香綾絹二萬六千計杭州錢義瑾進銀綾絹各五千兩疋錦綺五百連金花食畚二千兩金稜秘色磁畚二百事靜海節度錢元珣吳軍錢元球各貢銀綾羅畚物十月己巳鎮州董溫琪獻御衣羅錦綾三百疋銀千兩非禮也言貢奉可也

十一月乙未前靈武節度使張希崇入朝獻馬五千匹玉團隴右地圖科褐犖牛尾野馬皮巨霜菜

晉高祖天福二年二月丙戌故晉州節度使張敬達母朱氏進銀罌駝馬謝恩賜還舊業丁酉故青州節度使房知溫子彥儒進絹一萬疋

四月戊子房彥儒又進絹五千疋己酉秦州康福進戰馬十匹供御馬一匹玉鞍轡一副幽州趙思溫進端午鞍馬罌四謙帛等物襄州安從進進謝恩加官絹一千疋銀一千兩犀三株牙一株

九月鎮州安重榮進馬三千匹

十月宋州趙在禮進織成龍鳳紅錦暖帳

是月吳越王錢元瓘進銀五千兩絹四千疋越異文綾一千匹羅二百疋又進金帶御衣雜寶茶畚金銀裝創并細紅甲寶裝

子箭弩等又進雜細香藥一千斤牙五株真珠二十斤萬五萬斤十一月甲寅前涇州李德琬進戰馬三十匹犛牛四頭丁巳襄州安從進進絹一千匹馬二十匹十二月丙申來州趙在禮進助國絹三千疋辛丑湖南馬希範進銀二千兩賀日南至乙丑又進金漆栢木銀裝起突龍鳳茶床椅子踏床子紅羅金銀線繡褥紅絲網子又進金銀玳瑁白檀香器四銀結條假果花樹龍鳳鸞畫鼓等物又進含膏桃源洞百第百靈藤渠江南嶽紫蓋峯白雲洞青花等茶又進蟬翼鍾乳頭香石亭脂木瓜丸一萬顆藥橄欖子帝覽之謂侍臣曰奇巧蕩心斯何用耳藥茗可進而丸可食乎但地僻海曲習以成風來遠之道遽止為難宜令所司與收

三年正月壬戌昭義軍杜重威進助馬二十匹銀五百兩玉帶五條

五月己巳招討使楊光遠進謝恩加官馬十匹絹一千匹銀器一千兩

六月丁丑鄆州安審琪進謝恩加官馬十匹銀五百兩絲一萬兩絹五百匹己亥河中安審信進謝恩加官馬三十匹壬寅荆南節度使高從誨進謝恩加官銀二千兩甲辰陝府李從誨進謝恩加官馬十匹錢二千貫

是月北京留守安彥威進謝恩加官馬一千疋錢三千貫

七月庚戌西京留守李周進謝恩加官馬一十匹銀一千兩鎮州安崇進謝恩加官馬十匹絹二千疋

八月丁丑秦州節度使康福進謝恩加官銀器五百兩馬三十匹乙未鳳翔節度使李從曠進謝恩冊授秦王馬三十匹

九月鄆州安審琦進添都馬五十匹從州裴從簡直進馬三十匹亳州團練使卽萬金直進馬二十五匹丁卯滄州馬全卽進

御衣織成紅錦龍鳳床褥雜色綾一千疋綿五千兩

十月乙亥福建節度使王繼恭進奉天和節并賀冬端午銀共五千兩又進金器六事二百兩金花細鏤銀器叁千兩真珠二十斤犀三十株銀裝交床五十副牙二十株又進大茶八千斤

雜香藥一萬斤朱苛銀纏槍二百條通節箭苛三萬莖又進五色桐皮扇子海蛤麋靴細蕉藥木瓜等物丁丑范廷光差男守

節守嚴等進謝恩累差使臣安撫馬三十匹銀一千兩絹二十疋已卯青州王建立謝恩賜冊禮器銀壹千兩繒帛二

千疋丙戌兩浙錢元瓘進謝恩除天下兵馬副元帥吳越國王金罌五百兩銀一萬兩吳越異文綾八千疋金條紗三十疋絹

二萬疋綿九萬兩大茶腦源茶共六萬四千斤又進大排方通犀瑞象腰帶戊子前鄆州安審琦進絹三千疋絲一萬兩兩浙

錢元瓘進真珠二千斤牙二十株乾姜五萬金蘇木五萬斤雜香五十斤辛卯朱國趙在禮進助國錢二萬貫丙申魏府楊光

遠進謝恩允臣朝覲馬三匹絹一千疋銀器三百兩新授晉昌安審琦旌節官告馬五匹絹一千疋銀器三百兩新授晉昌

審琦進謝恩賜旌節官告馬二疋絹一千疋又進請開內宴金腰牌一條絲一萬兩樂官絹二百疋壬寅徐州裴從簡進錢一

萬兩

千貫絹一千疋鎮州安重榮進錢一萬貫  
十一月己巳鄴州范延光又進絲十萬千匹絹二百疋銀一千  
兩千又進請開內宴絹一千疋伶官絹二百疋定州皇甫遇進  
絹三千疋丁未范延光又進絲十萬兩躍州團練使安元信進  
添都馬二十五匹甲寅新授西京留守楊光遠進謝恩馬三十  
匹銀器三百兩絹一千疋丁巳鄴州都副留守太子太師致仕  
范延光進謝恩馬十匹絹一千匹玉腰帶一條金匣盛金酒器  
一副壬申前西京留守高行周進絹一千匹馬十匹

十二月己卯新授鄴都留守高行周進謝馬十匹絹一千疋銀  
器三百兩買內宴錢一千貫乙酉湖南馬希範進御輦一乘金  
漆栢木鏤金花版銀裝真珠車渠紅絲網囊又進謝恩除江

南諸道都統絹二千疋又進謝改功臣加食邑銀紗羅四十面  
重二千兩又進土絹土絁古具布共三千疋謝恩放免逐年三  
十萬茶稅又進麩金五十兩

五年二月戊申湖南進牙輦一乘御衣一襲與鳳文之靴龍玉  
之帶

六年八月甲申湖南遣使進金銀器及方物十月己丑吳越王  
錢元瓘遣使進金帶一金噐三百兩銀八千兩綾三千疋絹二  
萬疋金條紗五百疋綿五萬兩茶三萬斤謝恩加守尚書令新  
卯又進象牙諸色香藥軍噐金裝茶床金噐毳噐細茶法酒事  
件萬餘甲午湖南遣使貢諸色香藥蠟面含膏茶壬子福州王  
廷羲遣使進銀四千兩象牙二十株葛五千斤乾姜蕉乳香沉

香玳瑁諸色謝恩加官別進端午節銀一千兩細葛二十疋海  
蛤靴裁扇子等又進茶五千斤福建兩浙隔閩淮南陸道不通  
歲以海船來往風濤無常故凡節度申貢或先時或不及時也  
癸酉福州進度支戶部商銳葛八千八百八十疋  
十一月戊午殿監劉政恩進行牛角五對壬申荆南遣使進金  
罌一百兩御衣段羅綿綾絹一百五十疋白龍腦香二斤九鍊  
純網金花手刀二口謝恩賜御馬別進賀冬至銀五百兩己卯  
殿中省進麝香熊皮白熊膽熊蹯從舊制也丁酉湖南遣使獻  
古具等三千疋軟白臘一萬斤朱砂五百斤并諸香藥五十餘  
斤別進漆器萬餘事

七年三月戊寅前涇州節度使張彥澤到闕進朝見謝恩馬九  
疋又進馬五十疋并銀鞍轡黑漆銀錢子馬面人鐵甲弓箭袋  
渾銀裝劍共五十副又進駱駝二十副己卯又進馬五十匹供  
御金渡銀鞍轡一副庚辰又進馬五十匹鞍轡全人馬甲弓箭  
各五副彥澤在前任擅討吐蕃部族為其所敗遂括境內馬千  
餘匹以補其數至是頗有是獻

四月己巳新授龍武軍大將軍張彥澤進獻恩馬十匹  
五月甲申朔荆南遣使進賀端午白金茵緋篋扇等物  
少帝天福七年七月即位十一月兩浙錢弘佐遣使又進錠銀  
五千兩綾五千疋絲一萬兩謝恩封吳越國王又貢細甲弓弩  
箭扇子等又貢蘇木二萬斤茶三萬五千斤及秘色甕器乾薑  
三萬斤鞋履細酒糟薑細紙等迴鶻托都督己下進碓砂一千

八百斤犖牛尾一千斤白布一萬疋斜褐一百段王梳王裝刀  
子等物十二月福建王廷義遣使進錠銀二千兩花鼓六百謝  
降恩命又進象牙十株紅蕉二百疋蟬紗一百疋餅香沉香煎  
香共六百斤胡椒五百斤豆蔻三百斤箭幹二萬隻謝恩國信  
又進錠銀四千兩貢蕉二十疋海蛤一斤扇子靴裁具等充端  
干天和節正東獻賀又直進銀一千兩葛一萬疋細蕉二百疋  
粉姜五十斤象牙十株蠟百茶二百斤大茶五千斤又進鹽鐵  
度支戶部三司葛一萬六千六百疋及諸口味等

八年十月鎮州節度使杜重威進馬五十匹

十一月密州刺史張瓘奏膠西縣孝行鄉諸城村百姓于希得  
蛇吐珠一顆進之時無慰荅亦無銀賞議者非之

開運二年十月湖南進供御細絹六十疋水著白羅一百疋筒  
卷白羅十疋錦綺褥百十床錦椅背十合淮南進羅縠一百疋  
謝賜御馬

三年九月前青州防禦使翟光業進絹一千疋綿三千兩絲七  
千兩

十月河府侯益進馬五十匹陝府焦繼勳進馬四十匹絹一千  
疋萃州安審信進馬四十匹太子太師致仕劉景巖進馬三千  
匹鳳翔李從儼進馬四十匹

十月兩浙錢弘佐進謝恩授守太尉冊命銀五千兩綾五千疋  
絹五萬疋綿五萬兩又進大茶一萬八百斤腦源茶三萬四千  
斤又進乳香黃散香黃熟香煎香胡椒草豆蔻大腹高良薑共



一千斤又進乾薑三萬斤蘇木三萬斤又進箭筈一萬莖諸色戎仗薨噐等物又進啟聖節金大排方座龍腰帶一條御衣一襲十六事金花銀器一千五百兩御服錦綺綾羅五百段漢高祖天福十二年荆南高誨賀登極進金花銀器一千兩異文綺線法錦三百疋筒絹白羅二百疋白花羅一百疋長線絨毛暖座四枚九練純網手刀一口

乾佑元年戶部進天福十二年諸州貢物奉勅宜依仍付所司  
隱帝乾佑元年六月壬寅荆南高從誨貢金噐二百兩銀噐千兩細綿五十疋繡錦六銖五十段羅五百疋龍腦二斤以首過  
自新故書

十月丁酉湖南馬希範貢歲除夜遊春圖女俠畫障真珠枕及端午金銀雕裝物色帝年未及冠服玩好奢常謂七寶枕玉枕玉餅餅盤之類而湖湖貢侈物益蕩其心

十一月兩浙貢茶三萬四千斤及兵仗香藥湖南貢茶五萬斤十二月癸未史弘肇獻錢萬緡馬二十匹以助軍討叛郎州節

度馬希萼獻銀器千兩百兩降詔獎飾仍諭之云所修職貢舊有程規念航深梯險之勞重違鄉意在誘善勸忠之道本實朕心今後凡有進獻可與希廣商量庶叶雍和不爽體例

二年九月壬寅湖南馬希廣獻絹二萬疋銀一萬五千兩玳瑁寶裝龍鳳飯床玳瑁裝盤龍椅子榻床子銀戲龍二銀食器六十八事真珠花銀果子其銀共千兩是年宰相使衛使三司使以丈戎犯河朔獻都馬自三匹至二十匹

周太祖廣順元年正月荆南高保融貢銀一千兩法錦二十疋  
賀登極癸巳寒食節帝出玄化門設御幄遙拜諸陵開封府袁  
義獻熟羊酒食丁巳宰臣馮道已下獻馬賀皇子授鎮寧君節  
度使己未昭義常恩貢錢三十萬賀皇子鎮澶州又直進錢二  
千五百貫布二千五百端粟七千石故使孔肇弟弘福貢馬五  
匹錦綵五百疋謝禮葬兄弘肇漢末弘肇楊邠王章遇禍帝葬  
以王禮襄事竝官給

四月宰臣樞密宣徽使各獻馬賀冊德妃荆南高保融貢銀二  
千兩謝加恩別進請開宴絹十疋金酒罈重五十兩素羅花  
羅花縠子各百疋長金線絨毛暖十二千子兗州慕容彥超獻  
龍鞍轡御馬兼帛賀冊德妃高保融又貢端午銀絹青于扇等

五月甲子鎮州武行德來朝獻粟二萬石

七月邠州侯章進馬三十四匹甲申慕容彥超上章謝西賜京興  
教坊第一區長男衙內指揮使繼勳遙領明州刺史次男繼云  
轉官進絹千疋絲三千兩別進永壽節祝壽絹二千疋

十二荆南獻銀五百兩慕容彥超獻馬二匹皆賀正也

二年三月鄆州高行周進助軍絹五千疋并戎裝器仗五百事  
四月丁未潞州襄垣縣民張紹光等八人詣闕獻羊酒以除放  
去年殘稅謝恩也

五月車駕親征兗州次曹州鄭弘璋獻銀射筥百隻衣著三百  
疋鄆澶來許四鎮各獻茶藥是月甲子旦次成武鄆州高行周  
自鎮來朝貢三千疋及器械單州許遷來朝獻食

三月高懷德進絹三千疋銀三千兩金罌六副馬十五匹勅賜父行周縊及立碑

四月丙寅宋州節度使常思入朝獻縑銀匹兩各二千五百大絕綾五百疋又鳳翔趙暉來朝進馬一百一十七匹絹五千疋銀五千兩賜襲衣金帶又涼府西節度使中師厚遣都知兵馬使托跋身美等四十九人朝貢馳馬又鳳翔趙暉進牽擺官衙隊一百九十五又進絹三千疋金三千兩

五月甲申宴于廣政殿宋州常思獻上壽金酒器同州薛懷讓獻銀五百兩馬五匹

十一月乙巳襄州安審琦獻銀萬兩助郊祭己亥兩浙錢弘俶貢謝恩綾絹二萬八千疋銀罌六千兩綿五萬兩茶三萬五千斤御水兩襲通犀帶戲龍金帶香藥毳罌銀裝甲仗酒酒海味等戊寅涇州節度使史懿明見獻馳馬二百銀千兩癸卯鄭州防禦使王萬敢獻助郊祭絹二千疋

六年六月大明府王殷貢絹萬疋棣州何祿進獻貢內羅綺二千五百疋荆南高保融進白龍腦法錦金罌紅六銖段五十白羅花羅熟穀鹿胎袴段六株襜面等各一百九練神銅陷金銀刀劍各一

十二月辛亥諸州府進南郊助祭鞍馬絲帛金銀等世祖顯德三年二月丁亥荆南節度使高保融進御衣金帶九練紙網手刀弓箭等

十一月丙辰吳越王錢俶進銀五千兩綾一萬疋又進天青節

金花罌千五百兩及御服金帶錦綺綾羅等

五年二月幸揚州壬申吳越王錢俶進御衣犀帶綾絹白金香藥等又進供軍稻米二十萬石

四月吳越王錢俶進綾絹各二萬疋銀一萬兩稱謝恩賜國信康鎮徐州王宴來朝進馬七匹戊寅青州節度使府彥卿來朝獻馬十三匹己卯又進錦綵三千匹軍糧萬石

六月丁亥迴次鄆州高行周進錢絹清開宴又進車駕巡幸絹五千疋錢五百萬戊子宴於行宮行周以金酒器鞍馬為壽

辛卯次澶濮滑州扈彥珂來朝王殷獻馬十匹三千金銀罌

八月昭義節度使常思來朝獻絹三千匹銀千兩粟二萬斛草三萬圍

九月戊午故高行周男前鄆州衙內指揮使高懷德進馬五十

五匹壬戌陵平節度使留後馮繼業進馬百匹玉一團謝恩起復別進供御馬十四匹

十月靈武留後馮繼業獻馬百匹謝吊祭定州進所獲契丹馬六千一百匹

十一月甲寅兩浙錢弘俶遣判官貢奉御衣犀帶金銀裝兵仗金銀器綾絹茶香藥物秘色甕罌鞋履海味酒等涼州申師厚進馬一百一十六匹詔還其直閑廐使史孔福獻馬謝却賜涇州物產

十二月鄭州防禦使王進以迎侍母親到郡獻馬謝恩進馬先住易州罹兵革失其所在近於北蕃訪獲迎而歸之故喜而稱

謝戊子邠州侯章罷鎮至闕獻馬百匹絹五千疋

三年正月樞密使王峻獻戰馬二十匹宰臣判三司李穀所傷臂漸損始任拜起進朝見馬新除天平軍節度使符彥卿進謝列鎮馬十匹帛二千疋及軍器等丁卯卽州獻茶二萬斤宰臣樞密宣徽內諸司使禁軍將校諸藩鎮皆進奉賀皇子嘉禮二月延州衙內指揮使高紹基獻馬四十二匹紹基父死擅知軍政潛有覬望及軍屯近鎮故懼而獻奉三月又獻馬五十匹駝三十頭銀千兩金器百兩

閏七月癸丑吳越王錢俶遣使朝貢進銀五千兩綾二萬匹銀器二千兩細衣段二千連又進御衣盤龍犀帶等

八月吳越王錢俶進銀五千兩絹萬疋稱賀車駕還京又進龍船一隻天祿船一隻皆以白金飾之帝幸新河亭命宰臣及從官已下觀吳越所進龍舟時京師士庶觀者如堵

十一月吳越王錢俶進茶三萬四千八百斤綿五萬兩及香藥器甲等

十二月吳越王錢俶進銀五千兩絹三萬疋綿十萬兩稱謝恩賜國信又進賀正銀一千兩絹一千疋

新刊監本冊府元龜卷之一百六十九

新刊監本冊府元龜卷之一百七十

帝王部

來遠

古者天子守在四夷修其教不易其俗故曰率土之濱莫非王臣要在其勞休安輯示以洪覆日月攸燭咸俾遂性粵自舜敷文德聿來不庭柔遠之道於茲著矣三代而下威惠并舉用捨有術然綏懷撫接務廣仁恕其揆一也故有漸諸聲教列於侯服悅以玩好用是羈縻或因其款塞處之善地或卹其懷土俾還所屬始乃敷諭搗勞接以賓儀終乃優秩厚幣申之恩紀至於極濟災暴救育艱苦振厥匱乏通其貿易惠周於存沒德柔於荒絕至是重譯而至咸即其序實聖人之鳴化也

舜命禹征有苗三旬苗民逆命旬十日也以師臨之一日不服

辭而便憚之以威脅益贊于禹曰惟德動天無遠弗届贊佐也

以此義佐禹欲滿招損謙受益時乃天道者人損之自謙

常帝初于歷山往于田日號泣于昊天于父母仁覆愍下謂之

于歷山之時為父母所疾日號泣于負罪引慝祇載見瞽瞍夔

夔齊慄瞽瞍亦允若惡惡載事也夔夔悚懼之貌言舜負罪引

言能以至至誠感神矧茲有苗誠和矧况也至和感神禹拜昌

言曰俞班師振旅昌當也益言為當故拜受而然帝乃誕敷

文德遠人不服大布舞于羽于兩階千循羽醫也言武者所執

階間抑七旬有苗格苗討而不服不討日未明御之者必有道三

師二十漢高帝初封項無為陸量侯詔以為列諸侯自置吏令

常受命長沙土秦始皇本紀所謂陸量

武帝元狩二年秋匈奴渾邪王盡將其眾度河降者數萬人號

稱十萬既至長安天子所以賞賜數十矩萬封渾邪王萬戶為

潞陰侯潞陰平原封其裨王呼毒尼為下靡侯呼毒尼雁疵音膺

禽黎為河綦一作鳥大當戶調雖為常樂侯一作雅

四年夏大將軍衛青將軍擊走單于幕地先是衛尉張騫生後

期贖為庶人帝數問騫大之屬蹇既失侯因曰臣居匈奴中聞

鳥孫王號昆莫昆莫父難婁本與大月氏俱在祁連燉煌間小

國大月氏攻殺之昆莫後攻破大月氏大月氏西走昆莫因届

居今單于新困於漢而昆莫地空蠻夷戀故地又貪漢物誠以

此宜厚賂鳥孫招以東居故地漢遺公主為夫人結昆地其勢

宜聽言事事聽則是斷匈奴右臂也既連烏孫自其西大夏之

屬皆可招來而為外臣天子以為然拜蹇為中郎將將三百人

馬各二匹牛羊以萬數齎金幣帛直數千鉅萬多持節副使為

之副而各道可便遣之旁國蹇既至烏孫致賜諭指以天子意

未能得其決蹇即分遣副使使大宛康居月氏大夏烏孫發遣

譯送騫道讀與烏孫使數人馬數十匹與蹇相隨而

子因令窺漢知其廣大蹇還拜為大行歲餘蹇卒後歲餘其所

遣副使通大夏之屬者皆頗與人俱來於是西北國始通於漢

矣又帝遣從票侯趙破擊破姑師虜樓王而大宛諸國發使趙

漢使來是時帝方數巡狩海上迺悉從外國客大都多人則過

之敬財帛賞賜厚具饒給之以覽視漢富厚焉視讀曰示信示

大角氏氏丁禮切出竒戲諸怪物多聚觀者聚都邑人命觀者

切喚行賞賜酒池肉林令外國客徧觀各倉庫府倉之積欲以見

漢廣大傾駭之見顯及加其眩者之工角氏竒戲歲增變其益

興自此始而外國使更來更去通互來去前後大宛以西皆自

恃遠尚驕咨未可詘以禮羈縻而使之

宣帝神爵二年五月置金城屬國以處降羗三年匈奴月逐王

畔單于將眾來降護鄯善以西使者鄭吉迎之既至漢封日逐

王為歸德侯吉為安遠侯乃因使吉并護北道號曰都護

甘露二年十二月呼韓邪器于款五原塞款中願朝三年正月

會正旦之帝遣車騎都尉韓昌迎發所過七郡郡二千騎為陳

朝賀也所過之郡每為發兵陳單于正月朝天子于甘泉宮留月

道上列於道以為寵衛也



餘遣歸國遣長樂衛尉高昌侯董忠車騎都尉韓昌將騎萬六  
十又發邊郡士馬以數千送單于出朔方鷄鹿塞

在朔方  
潭縣北

哀帝建平四年匈奴烏珠留單于願朝五年時帝被疾或言從  
上游來厭人自黃龍景寧時單于朝中國輒有大故帝由是難  
之以問公卿亦以為虛費府帑可且勿許單于使辭去未發黃  
門郎楊雄上書諫之書奏帝寤焉召匈奴使者更報單于書而  
許之單于未發會疾復遣使願朝明年故事單于朝從明王以  
下及從者二百餘人單于又尚書言蒙天子神灵人民盛壯願  
從五百人入朝以明天子盛德皆許之

後漢光武建武六年命歸德侯劉彪使南匈奴匈奴亦遣使來  
獻帝復命中郎將韓統報命賂遣金幣以通舊好而單于驕蹇  
自此冒頓對使者辭語悖慢待之如初

二十五年十月夫餘王遣使奉貢帝厚答報之於是使命歲通  
明帝即位西羗燒何豪有婦人北銅鉞者年百餘歲多智算為  
種人所信皆從取計策時為盧水胡所擊北銅鉞乃將其衆來  
依郡縣種人頗有犯法者臨羗長收擊北銅鉞而誅殺其種六  
七百人帝憐之乃下詔曰昔桓公伐戎而無仁惠故春秋貶曰  
齊人命國家無德恩不及遠羸弱何幸而當并命夫長平之暴  
非帝者之功咎由太守長吏妄加殘戮北銅鉞尚生者所在致  
醫藥養視今招其衆人若欲歸故地者厚遣送之其小種若束  
手自詣欲効功者皆除其罪若有逆謀為吏所捕而獄狀未斷  
悉以賜有功者

和帝永元三年北單于弟左鹿蠡王於除鞬自立為單于衆八部二萬餘人來居蒲類海上遣使款塞以耿夔為中郎將持節衛護之桓帝延熹元年十二月南單于諸部並畔遂與烏桓鮮卑寇緣邊九部以張奐為北中郎將討之單于諸部悉降爰以單于不能統理國事乃聞之上立左谷蠡王帝詔曰春秋大居車而一心向化何罪而黜其遣還庭

臣欽若等曰居車見單于名也

魏文帝黃初三年三月鄯善龜茲于闐遣使獻詔曰西戎即叙

氏羗來王詩書美之頃者西域外夷並款塞內附

即塞門東叔巴也背從服

其遣使者撫勞之是後西域遂通置戍已校尉

明帝景初二年六月倭女王遣大夫難升米等詣帶方郡求請

天子朝獻太守劉夏遣吏將送詣京都其年十二月諸書報倭

女王曰制詔新魏倭王卑彌呼帶方太守劉夏遣使送汝大夫難升米次使都市牛利奉汝所獻男生口四人女生口六人班布二疋二丈以封汝所在踰遠乃遣使貢獻是汝之忠孝我其哀汝今以汝為親魏倭王假金印紫綬裝封付帶方太守假授汝其綬撫種人勉為孝順汝難使難升米牛利涉遠道路勤勞今以難升米為率善中郎將牛利為率善校尉假銀印青綬引見勞賜遣還今以絳地交龍錦五疋絳地縹粟蜀十張舊絳五十疋緋青五疋疋吞所獻貢直又特賜汝緋地句文錦三疋細班華蜀五張白絹五十疋金八兩五尺刀二口銅鏡百枚真珠鉛丹各五十斤皆裝封付難升米牛利還到錄受悉可以示汝國中人使汝國家哀汝故鄭重賜汝好物也至齊王正始元年

太子弓遵遣建中校尉梯雋等奉詔書印綬詣倭國王假倭王  
并齎詔賜金帛錦罽刀鏡米物倭王因使上表荅謝詔恩  
後魏太武太延二年二月遣使者十餘輩詣高麗東夷諸國詔  
諭之

文成和平元年六月河西叛胡詣長安首罪遣使者安慰之  
獻文時伊吳王唐契子玄達性果毅有父風與叔父和歸闕俱  
為上客拜安西將軍晉昌公

孝文時余朱新興居於余朱川世為酋長帝以為右將軍及遷  
洛後時聽冬朝京師夏歸部落

延興五年蠕蠕求通婚娉有司以其數犯邊請絕其使發兵討  
之帝曰蠕蠕譬若禽獸貪而無義朕要以誠信待物不可抑絕  
也大和元年蠕蠕遣使來獻良馬貂裘其使稱承天朝珍寶華  
麗甚積求一觀之乃勅有司出御府珍玩金玉文綵罽物御廐  
文馬奇異禽獸及人間所宜用者列之市肆令其歷觀其使者  
曰大國富麗一生所未見也

宣武延昌三年十月詔驍騎將軍馬義舒喻蠕蠕

孝明神龜元年三月秦州氐反遣龍驤將軍崔襲持節喻之  
正光元年十二月壬子詔曰蠕蠕王阿那環遭離寇禍遠來投  
庇邦分衆折猶無定主而永懷北風思還綏集啓訴情切良用  
愍然夫存亡恤敗自古通典可差國使及被前後三分與阿那  
環相隨并助懷朔都督簡銳騎二千躬自率護送達境首令觀  
機招納若彼候迎宜賜箱篚車馬之屬務使優降禮餞而迄如

不容受任聽還闕其行裝資遣付尚書量給

隋高祖時突厥雍虞閭與玷厥舉兵攻染干盡殺其兄弟子姪  
遂渡河入蔚州染干夜以五騎與隋使長孫晟歸朝上令染干  
與雍虞閭使者因頭持勤相辨詰染干辭直上乃厚侍之又雍  
虞閭弟都連六棄其妻子與突利歸朝帝喜之勅染干與都連  
六樗蒲稍稍輸以瑤物用慰其心開皇末契丹別部四千餘家  
背突厥來降帝方與突厥和好重失遠人之心悉令給量還本  
蕃救突厥撫納之固辭不去

煬帝大業三年親巡雲中八月幸啓民可汗所居先是高麗私  
通使啓民所啓民推誠奉國不敢隱境外之交是日將高麗使  
人見勅令牛弘宣旨謂之曰朕以啓民誠心奉國故親至其所

明年當往涿郡余還日語高麗王知宜早來朝勿自疑懼存育  
之禮尚同於啓民如或不朝必將啓民此行彼土使人甚懼九  
月至東都黃門侍郎裴矩以蠻夷朝貢者多諷帝令都下大戲  
徵四方奇技異藝陳於端門街衣錦綺珥金翠者數萬人勒百  
官及居民士女列坐棚閣而縱觀焉皆被服鮮麗終月乃罷又  
令三市店肆皆設帳幃盛酒食遣掌藩率蠻夷與民貨易所至  
之處悉令邀延就坐醉飽而散蠻夷嗟嘆謂中國為神仙也  
十一年春正月乙卯大會蠻夷魚龍曼延之樂頒賜之有差  
唐高祖武帝二年閏二月詔曰畫野分疆山川限其內外遐荒  
絕域形政殊於函夏是以昔王御世懷柔遠人義在羈縻無取  
臣屬渠搜即叙表夏后之成功越裳重譯美周邦之長筭有隋

附錄  
李世黷武耀兵萬乘疲於河源三年伐於遼外構怨連禍力屈  
貨殫朕祗膺寶圖撫臨四極悅近來遠追革前弊要荒藩服宜  
與和親其吐谷渾已修職貢高句麗遠送誠款契丹靺鞨咸求  
內附因而鎮撫允合機宜分命行人就申好睦靜亂息民於是  
手在布告天下明知朕意

五年賜高麗王建武書曰朕恭膺天命君臨率土祇順三靈柔  
懷萬國普天下之情均撫字日月所照咸使人安王既統攝遼  
左世居藩服思稟正朔遠修職貢故遣使者跋涉山川申布懇  
誠朕甚嘉焉方今六合寧宴四海青平玉帛既通道路無壅方  
申輯睦永敦聘好各保疆場豈非甚美但隨氏季年連兵構難  
攻戰之所各失其萌遂使骨肉乖離室家分折多歷年歲怨曠  
不申今二國通和義無阻異在此所有高麗人等已今追括尋  
即遣送彼處有此國人者王可放還務盡綏育之方共弘仁恕  
之道於是建武悉搜括莘人以禮賓相送前至至者萬數帝大  
喜七年七月康國曹國並遣使來朝高祖以二國遠至勞之甚  
厚康國使者羅什支頓首曰陛下聖德遠被臣故不遠萬里曹  
國使者曰臣本國以臣為健兒聞秦王神武願在麾下高祖大  
悅因厚遇之

太宗貞觀元年以百濟為高麗閉其道路又與新羅世為讎敵  
數相侵伐賜其王璽書曰王世為君長撫有東蕃海隅遐曠風  
濤難阻忠款之至職貢相尋尚想徽猷甚以嘉慰朕自祇承寵  
命君臨區宇思弘政道愛育黎元舟車所通風雨所及期之遂

性咸使人安新羅王金真平朕之蕃臣王之鄰國每聞遣師征討不息阻兵安忍殊乖所望朕以封王姪信福及高麗新羅使人具敕通和咸許輯睦王必須忘彼前怨識朕本懷共篤鄰情即停兵革因遣使奉表謝

十年阿使那社爾朱款塞歸祔爾朱突厥處羅可汗第二子也其叔故吉利黠於用武頡利既敗部下立社爾朱為都布可汗以地逼延陁太宗嘉其忠節授左驍衛大將軍妻以南陽長公主拜駙馬都尉

十四年四月流鬼國遣使朝貢其國去京師萬五千餘里南與莫設靺鞨鄰接未嘗通聘中國至是三重譯而未帝嘉其遠慕朝化以其使人餘志為騎都尉

十九年七月詔曰西戎賢相罷光秦田北夷嗣子榮珥漢貂羈以長纓用表玄功之大掩茲宏網式昭八覆之博高麗位頭大允理大夫後部軍士高延壽大允前部軍士高惠真等並馬韓奠長鯤海英髦分義景於扶桑數鍾天厭竊封疆於孤竹自貽神怒臨危轉禍率衆來降申有膝行之敬成其面縛之禮向風舉踵良足可嘉咸宜收其俊才嗣烏官於鄰子錄其誠効映龜組於梅錯延壽可鴻臚卿惠真可司農卿

二十年十二月戊寅鉄勒迺紇俟利發等諸姓竝詣闕朝見帝謂之曰汝來歸我領得安存猶如鼠之得窟魚之得水不知夫我窟及水能容汝否縱令不能容我必為汝大作窟深作水以容受汝等又云蒼蠅之飛不過一二尺及祔驥尾日行千里何

以致然為所託處遠我今為天下主無問中國及四夷皆養活之不安者我必令安不樂者我必令樂還汝驥之受蠅隨其遠近不勞蠅身飛動自然遠去是月庚辰宴迴紇等於芳蘭殿恩賜甚渥仍勅所司加禮供給每日一會

二十一年正月以鐵勒迴紇部置瀚海都督置金微都督府拔野右部置幽都督府同羅部置龜林都督府思結部置廬山都督府吐浴部置臯蘭州斛隆部置高闕州奚結部置鷄鹿山阿跌部置鷄鹿州契苾羽部置榆溪州思結府部置蹄林州白霄部置真顏州鉄勒等諸部其渠帥各率所部歸附並列地為州即其真長為刺史其都督並給玄魚金字先是帝擊破突厥其蕃望子弟多授以侍衛之官沙漠之人素愛錦罽帝既昭未遐域將賜其所好者因錦文所用舊鏤而錯宗其色花色翔走事各殊形或將班賜近蕃酋首大為榮寵鐵勒等之來也帝賜其金銀噐物及綾絹各有數帝又親賚其緋黃地瑞錦襍領袍鐵勒等覩而驚駭以為未嘗聞見捧戴拜謝盤卧於塵埃中及還帝御夫成殿陳十部樂宴而遣之設高坵於殿前置銀餅於坵上自左閣內潛流酒泉通於坵脚而涌入殿前餅中又置大銀盆其實百斛傾餅於盆中鐵力數千人不飲其半雜數驚駭私相謂曰天子賜我曹此餅還部落中傾之豈不常定酒也又詔文武品已上令外尉給酒馘於尚書都堂以餞之迴紇等奏奴身僻在荒野無入之地歸身聖化天至尊賜與奴等官職雜物殺身不能以報奴等既為百姓於天至尊處往來向父母邊

一種惣請於廸統以南突厥以北開一道呼為參天至尊道乃  
詔司徒長孫無忌司空房玄齡等與共籌之宜逐水草量置郵  
驛惣六十八所各有群馬酒肉以供過使并請改作文奏人擬  
為表疏每歲貢貂皮以充賦是年西趙首領趙磨率所部萬餘  
戶內附以其地為明州

二十二年二月西蕃沙鉢羅兼護率眾歸附以其俟斤屈裴祿  
為忠武將軍四月西突厥淫伏沙鉢羅兼護阿史那賀魯率眾  
內屬於庭州拜為左驍衛將軍賜其所部繒帛有差

高宗龍朔三年六月戊申遣左武衛大將軍蘇定方率兵往涼  
州以安集吐谷渾

咸亨三年二月移吐渾慕容諸葛鉢部落自涼州徙於鄯州浩

豐

浩音閭豐音門

河之南發兵以送之既屬蕃熾盛諾曷鉢不安其

居又鄯州地窄尋徙於靈州之境置安樂州以諾曷鉢為刺史  
其吐谷渾故地並沒于吐蕃

九月置靜州以處內附党項部落

鳳儀二年二月工部員外尚書高臧加授遼州都督封朝鮮郡  
王遣歸遼東以安輯高麗餘眾先有編附諸州高麗悉放還本  
蕃司農卿扶餘隆為光祿大夫太常員外卿加授熊津州都督  
封帶方郡王亦令安輯百濟餘眾仍移安東都護於新城以統  
之時百濟本地荒毀時令寄於高麗之境

中宗即位遣侍御史張行岌往招慰靺鞨渤海郡王大柞榮

玄宗先天二年遣即將崔訢往冊拜渤海大柞榮在驍衛員外



大將軍渤海郡王仍以所統為汗郡都督自是每歲遣使朝賀  
開元二年正月癸巳奚饒樂郡王李大酺等來朝帝謂之曰卿  
等為朕外蕃款誠夙著爰初內屬職貢相仍往緣任寄非才拙  
於撫綏因使卿等猜貳頗成阻絕而能不忘本翻然改面所覽  
獻書具知至懇大酺將尚縣主失活又遣近親並自邊隅同臻  
落邑朕今與卿等相見喜慰良深

閏二月突厥默啜之婿大拔頡利發名阿異失與其妻來奔封  
燕山郡王授左衛負外大將軍許於澤潞州編附

六月丁卯北庭大都護瀚海軍使阿使那獻梟都搭首獻于闐  
下并擒其奴及胡祿等部落五萬餘帳內屬帝降書謂獻曰十  
姓部落北多類附最爾都搭獨為首誕卿以忠果令其討伐遂  
斬首喪元并兒及婦無復胡祿屋闕啜等五萬帳壹聚餘塞陌  
強負而來自非信著遠蕃何以翕然至此邊陲寧謐繫卿是賴  
雖鄭吉之護南道班超之臨西域無以過焉

十一月丙申詔曰北戎為患南牧是鷹叛而伐之服而捨之春  
秋格言是謂通典葛邏祿陰山都督部落驕天縱毒候月為妖  
桀驚之心久矣脅從之禍深矣而冒其構阻思我恩化來七旬  
而就格逾萬里而歸誠啟顙陸披肝塞下宜令左散騎常侍解  
琬攝御史大夫持節往北庭宣慰突厥部落緣邊降戶西任便  
宜處分

三年四月乙卯三姓葛邏祿率眾歸國璽書慰之曰三姓葛邏  
祿首領散爛侯斤等冒涉遠來並平安好卿等一被馳率多歷

歲年遂逆輸忠間行歸國言念誠節嘉賞良深緣彼部落州來已令遂便安置卿等來日大首領及將士已下並得安穩以否所有事意具狀奏來

十月授北蕃投降九姓思結都督磨散為左威衛將軍大首領解薛移利殊功為右領軍衛將軍契都督邪沒施為右威衛將軍富利羽都督莫賀突默為右驍衛將軍首領延陀薛渾達都督為右威衛將軍奴賴大首領前白登州刺史孛賴孝為左領軍將軍跌跌首領刺史裴羅艾為右領軍將軍並員外置依舊兼刺史賜紫袍金帶魚袋七事綵帛各三百段放還蕃

五年十月乙酉鴻臚寺奏曰本國使請謁孔子廟堂禮拜寺觀從之仍令州縣金吾相知檢校捉搦示之以整應須作市買非違禁入蕃者亦容之

八年二月勅內河東河西

朝化相率歸附載變炎涼而忠懇不渝明誠勤勵深宜輯乃戎落捍彼方隅使烽火無驚障塞咸謐必厚賞崇班當取富貴朕北加恩貸爾宴安堵恐衣服未盡克灾患且未恤永言於此良用憮然其春不入朝都督衙官并箭頭將軍在蕃者已令王峻張悅楊敬述等取軍中庫物各量賜爾等衣一副部落有疾苦便量給藥物無令田隴廢業含養失所遽相勉俞以悉朕懷

十年閏五月戊寅勅曰我國家統一寰宇歷年滋多九夷同文四隩來監天其襲冠帶奉正朔顛顛然嚮風而慕化列於天朝編於屬國者蓋亦衆矣我則潤之以時雨照之以春陽溥德以

柔之中孚以信之玄風既同群物茲遂莫不自天壤窮海域蹶  
角以請吏執贄而未庭皇唐之德於此為盛今則蕃侍子又在  
京國雖威惠之及自遠畢歸而羈旅之志重遷斯在宜命所司  
勛會諸蕃充質宿衛子弟等放還國契丹及奚近通質子並即  
停追前令還蕃首領等至幽州且住交替者即旋去朕欲以鳥  
獸咸若葦戎俱泰來則納其朝謁之禮去則遂其生育之恩推  
我至誠崇彼大順含弘之施德莫厚焉

十二年十二月新羅王金興光遣使獻女二帝以遠離所親特  
加封賞悉於還國降書曰卿所進女皆卿之姑妹妹容儀淑麗  
德行柔婉自非盡節白風何能割茲忍爰然以辭違本俗離別  
所親念彼遠貢之勞矜其德戀之心雖阻來意並不忍留今各  
加其邑號賜之衣服以達朝恩宜知朕意是年安東都護薛泰  
請於黑水靺鞨內置黑水軍更以最大部落為黑水府仍以其  
首領為都督諸部刺史隸屬焉中國治長史就其部落藍領之  
二十一年八月日本國朝賀使真人廣成與兼從五百九十人  
舟行遇風颺至蘇州刺史錢惟正以聞詔通事舍人韋景先往  
蘇州宣慰勞焉

二十九年七月命左羽林將軍孫老奴與中官使于葛邏祿部  
宣慰降詔曰三姓葛邏祿及技悉密首領部落等卿等上祖以  
來忠赤於國往緣斬啜背叛遂被脅從非是本心朕深知悉聞  
卿等首領皆是忠良雖在遠常願歸化且知此意深用嘉之况  
今突厥天亡事勢如此在於豪傑多被誅夷所有請蕃各自奔

散智者料事不可失時儻或沉吟必招禍患宜即速相曉諭勸率早來且金山故地水草豐美安置部落還於此處庶事之間倍令優恤務取安泰勝於往時兼有重賞高官以待卿等今故遣使宣慰宜悉朕心天寶元年正月益州長史章仇兼瓊奏吐蕃白狗國及索磨等諸州龍官三百餘人出至奉州望隄女國等例簡擇許令入奏餘並就奉州宴賞放還從之

八載七月隴右節度使破土蕃獲其平章事元論隸郭獻之詔曰吐蕃平章事元論隸郭戎帳酋渠蕃要重討窮力屈既入為俘捨罪申恩特受官秩可守左威衛翊府中即將負外置同正負留宿衛仍賜屋以安置

十三載女國南國狗國並率部落口屬其大首領皆授負外中即將以安慰

閏十一月壬申東曹國王設阿及安國副王野解及諸胡九國王並遣上表請同心擊黑水辭甚切至帝方務以懷柔皆勞賜慰諭遣之以安西域乙亥吐蕃白蘭二品官寵董占庭等二十人來降並授左武衛負外大將軍

肅宗至德二年正月迴紇首領大葛邏支將軍等來朝恥班在武臣之下他日帝親引上殿賜食并錫賚慰其意以遣之

代宗寶應元年十一月丁亥迴紇遣使拔賀那上表賀收東京并獻逆賊史朝義旌旗等物引見于內殿賜綵物二百疋初迴至東京京以賊界賜行殘忍士女懼之皆登聖善寺及白馬寺二閣以避之迴紇縱火二閣傷死者計萬累旬火不滅及是朝

賀又進橫辱官吏以外蕃功高特容之

永泰二年五月安南生蠻大首領林覲符部落親置德化州管戶一萬六百潘歸國部落新置龍武州管戶一千五百詔安南節度使左散騎常侍朝衡宣恩勞俸之

大曆八年秋七月辛丑詔以迴紇使一百四十人還蕃以國信物一千餘乘遣之迴紇恃功自乾元後屢遣使以馬和市東帛仍歲市以馬一匹易四十匹動至數萬馬其使俟遣其繼留於鴻臚寺者非一蕃人欲帛無馱我得馬無用朝廷甚苦之是時詔盈數遺之以示廣恩

八月壬申迴紇遣使赤心領馬一萬匹來求市帝以馬價出於租賦不欲重困於人有司量出入之計市六千匹

德宗以大曆十四年五月即位七月庚辰令迴紇諸蕃在京師者各服其國之服

貞元十年五月乙酉以劔南西川歸化蠻悉差為左驍衛將軍同正

十一年正月以降吐蕃論乞髯湯沒藏悉諾碣為歸德將軍又於麟德殿召對論乞髯等

憲宗元和三年六月西源蠻首黃沙鄉歸欵少卿為順州刺史弟少高少温並授官是日突厥沙陁七百人攜其親屬歸于振武節度范希朝尋授其大首領曷勒阿波左武衛大將軍同正負兼陰山府都督

十四年正月庚寅制曰朕臨御萬邦推布誠信西緘納欵積有

歲時中或虧違亦當包貸我有殊德寧不是思量譯貢珍道途  
相繼申恩示禮曾無闕焉昨者蕃使奉章又至京贊將軍長之  
命陳和好之誠臨軒召見館餼加原復以信獎諭之簡書亦既  
言旋絕及郊甸遽聞蟻聚來犯封陞河曲之間頗為暴擾皆惠  
棄約斯為無誠公議物情咸請誅絕朕深堆德化之未被豈慮  
夷谷之不賓其國失信其使何罪釋其維繫以遂性示之弘覆  
以忘懷予秉苟孚庶民知感其蕃使論短立藏等并後般來使  
並宜放歸本國仍委鳳翔節度使以此意示諭

穆宗長慶元年三月平廬軍節度使薛平奏新羅雖是外夷朝  
貢不絕其百姓多被海賊掠賣今請緣海州郡一切禁斷異賊  
徒水息異俗懷恩從之

文宗太和八年二月庚寅詔南海番禺本以暮化而來固在樓  
以恩仁使其咸悅如聞比年長吏多務徵求嗟怨之聲達於殊  
俗况朕方寶勤儉豈愛遐賅深慮遠人未安率稅猶重思有務  
恤以示綏懷其嶺福建及揚州蕃客宜委節度觀察使除船舶  
收市進奉外任其來往自為交易不得重加率稅

武宗會昌元年五月天德奏迴鶻盟沒斯與歷支王子多覽將  
軍等七人與部下將二千一百六十八人來降中書奏曰迴鶻  
近邊人情疑恐聖化所感德克宣果德盟沒斯望厥歸心率徒  
効命必在優賞昭示四方使戎狄遠聞皆感恩信望速降中使  
宜慰其王子將軍賜以錦綵銀器將士等各賜綵帛從之十月  
遣王會安撫迴鶻勅曰自古哲王撫寧荒服忠于國者則有繼

絕之恩順于道者則有固存之義所以向化優以報効其功迴  
鵠累代姻親又修臣禮服我聲教保茲信誠以嘗國難識其心  
良疾風知其勁草永信勲力豈忘予懷如聞紇吃斯所攻兵折  
衆叛產畜大耗國人存饑流離轉徙遠逾沙漠近因太和公主  
遣使入朝已知新立可汗寓居塞于告窮請命未有所歸每念  
難色載深憫惻今欲勅恆窮困撫慰傷痍俾四方知朕不忘勲  
舊報其大順昔匈奴乖離呼韓丘塞漢宣帝轉粟賑救權時施  
宜故得三代稱藩北邊罷警前王命典可不務乎宜令左令吾  
衛大將軍兼御史大夫王會持節充安撫大使兼御史中丞李  
師偃充副使專往慰問仍賑米二萬石俾其安緝離散漸就漠  
南再復舊疆永保恩好宣示中外以體朕懷

宣宗大中二年正月涇原節度使康季榮奏吐蕃論恐熱以安  
樂三州及石行七關等歸國詔遣太僕卿陸耽馳往勞焉仍令  
靈武節度使朱叔明邠州寧州節度使張君緒與涇原康季榮  
各總所部兵鎮之

五年八月沙州張義潮遣兄義潭將瓜沙伊肅等十一州圖經  
戶籍來獻自河隴陷蕃百餘年至是悉服隴右故地制改沙州  
為歸義軍以義潮充歸義軍節度瓜沙等州觀察使

後唐莊宗同光二年五月以權知歸義軍節度兵馬留後金紫  
光祿大夫檢校尚書左僕射守沙州長史兼御史大夫上柱國  
曹義金為檢校沙州刺史充歸義軍守空節度瓜沙等州觀察  
處置管内營田押蕃落等使瓜沙與吐蕃雜居自帝行郊禮義

金間道貢方物乞受西邊都護故有是命

明宗天成三年十一月以契丹偽署平州刺史光祿大夫檢校太保張希崇為汝州刺史加檢校太傅隋行官員二十四人各依資授諸道官

四年正月賜龜茲國額臺寺僧波羅密柴衣九月丙申帝御中興殿蕃部進馬安重誨奏曰吐渾党項近日相次進馬皆給還馬直對見之時別賜錦綵計其所費不啻倍價漸成損耗不如止絕帝曰常若馬不足差綱違市今蕃官自來何費之有外蕃錫福中國常道誠知損費理不可止自是蕃部羊馬不絕於路長興二年正月東丹王突欲率衆自渤海國內附上御文明殿對突欲及其部曲慰勞又之賜鞍衣服金玉帶錦綵器物又

大將軍副將軍已下分物有差率正率百僚稱賀

二月辛未丹王突欲之第賜欲絹三百疋至晚還宮

三月辛酉中書門下奏東丹王欲遠汎滄波來歸皇化既服冠帶難無異姓名兼惕隱等頃以力助王都罪同禿餒爰從必死並獲再生每預入朝各宜授氏庶使族編姓譜世荷聖恩况符前代之規永慰遠人之歎自突欲已下請別賜姓名仍准本朝蕃官入朝例安排勅旨付中書門下商量門奏官臣按四夷入

朝蕃官例有懷德懷化德歸化等將軍中即將名號又本朝賜新羅渤海兩蕃國王官初自檢校司空至太保今突欲是阿保機之子且類渤海國之王念自遠夷宜加異渥異顯賓王之道以旌航海之忠其側隱赫邈已下始自朋克不可同等古者保



姓授氏有以因官有以居所掌有因歸化特賜姓名勅旨突欲  
宜賜姓東丹名慕華乃授光祿大夫檢校大保安東都護兼祿  
史大夫上柱國渤海郡開國公食邑一千五百戶充懷化節度  
瑞慎等州觀察處置押蕃落等使其從慕華歸國部曲罕只宜  
賜姓罕名友通穆烏宜賜姓穆名順義撒羅宜賜姓羅名賓德  
易密宜賜姓易名師德蓋禮宜賜姓蓋名耒賓仍授罕只等五  
人歸化歸德小將軍中郎將先助禿餒擒獲蕃官惕隱官蕃名  
赫邈宜賜姓狄名懷惠相公官蕃名担列宜賜姓列名知恩仍  
授銀青階檢校散騎侍舍利官蕃名煎刺宜賜姓原名知感福  
即宜賜姓服名懷遠奚三副使謁失訖宜賜姓乙名懷有三人  
並授銀青階檢校太子賓客九月、懷化軍節度使東丹慕華

宜賜李名贊華仍改封隴西郡開國公兼應有先配在諸軍契  
丹等並宜賜姓名

三年四月癸亥以懷化軍節使李贊華為滑州節度使初度欲  
以贊華為蕃鎮范延光等奏以為不可帝曰吾與其先入約為  
兄弟故贊華來附吾老矣儻後世有守文之主則此輩招之亦  
不來矣由是近臣不能抗議

末帝清泰元年正月迴紇李突安而下十人先在京還本部  
二年六月詔北面總管沿邊馬軍會於代州指揮達靺於雲州  
界安置仍支度月糧

七月詔邠涇麟耀四州出州兵應接迴鶻時迴鶻朝貢多為汀  
西雜擄剽掠故有是命及迴又詔邠州節度使康福遣將軍牛

知柔率禁兵援送至靈武虜之為患者隨便討之

三年西域南印土師子國婆羅門縻訶定利密多羅甘州大雲

寺僧那迦悉地並賜紫袈裟百濟僧智周言先朝賜紫辭歸國

賜號曰法深大師

晉高祖天福元年十二月詔封故東丹王李贊華為燕王令前

單州刺史李肅部署歸葬本國

二年正月詔西天中印土縻竭施舍衛大善提寺三藏阿闍黎

沙門室利縛囉上鞋下刺宜賜號弘梵大師

周太祖廣順七年七月戊寅以契丹長慶宮提轄使戶部郎中

韓僚為鄜州延慶縣令契丹虞部員外郎胡嶠為汝州魯山縣

令並以其德化故也

九月丁丑河西節度使申師厚奉

由中將吏請以恩命從之

左廂押蕃副使折逋之右廂崔亮心並授銀青光祿大夫檢校

工部札部尚書錢干闕篤為歸德大將軍沒林葛于疑大將軍

左廂大首領錢干闕篤為歸國德大將軍林葛于疑盧伴瓊拆

甫窮羅並為懷化大將軍右廂大首領鹿悉迦阿羅岳騷奴並

為歸德大將軍劉念般靴與龍温光積並為懷化大將軍攝節

度掌書記守涼州姑臧令王翰授監御史裏行充河西軍節度

掌書記攝度推官温崇業試秘書省校書郎充河西節度推官

攝錄事參軍劉沙英為涼州錄事參軍師厚又言自安國鎮至

西凉州沿路三處余人各望賜空名欲補大首領為刺史管界

部落大首領三千餘人各望賜空名告身並從之

十一月環州党項臯家族首領越廝移並授懷化將軍  
十二月補契丹武州刺史石越為南府郎知兵馬使張延照為  
許州都知兵馬使是月契丹部建州掌書記馬震興州錄事參  
軍李超晉州主簿掌署可汗州懷來主簿王自真等宣中書文  
授州縣參佐之官

三年十一月延党項首領吳怡磨五十三人並授懷化郎將  
世宗顯德二年五月沙州留後曹元忠知瓜州軍州事曹元恭  
各遣使進方物以元忠為歸義軍節度檢校太尉同平章事以  
元恭為瓜州團練使仍各鑄印以賜之皆旌其來王之意也

新刊監本冊府元龜卷之一百七十二

十一月... 州... 完... 項... 年... 次... 在... 有... 領... 趙... 廣... 義... 授... 德... 化... 持... 軍...

十二月... 州... 武... 州... 判... 文... 石... 越... 為... 南... 唐... 郡... 知... 府... 使... 兼... 提... 巡... 使...

州... 郡... 知... 府... 使... 兼... 提... 巡... 使... 兼... 提... 巡... 使... 兼... 提... 巡... 使...

軍... 手... 趙... 官... 州... 主... 簿... 官... 兼... 司... 計... 州... 懷... 本... 兼... 簿... 官... 兼... 司... 計...

以... 州... 縣... 之... 官...

十一月... 州... 完... 項... 年... 次... 在... 有... 領... 趙... 廣... 義... 授... 德... 化... 持... 軍...

十二月... 州... 武... 州... 判... 文... 石... 越... 為... 南... 唐... 郡... 知... 府... 使... 兼... 提... 巡... 使...

州... 郡... 知... 府... 使... 兼... 提... 巡... 使... 兼... 提... 巡... 使... 兼... 提... 巡... 使...

軍... 手... 趙... 官... 州... 主... 簿... 官... 兼... 司... 計... 州... 懷... 本... 兼... 簿... 官... 兼... 司... 計...

以... 州... 縣... 之... 官...



